



ル 5
3134
2





門 凡 5  
3134  
卷 2

南潯志卷五

里人周慶雲纂

衢巷

東柵上塘

自清風橋東塊向東為大街經大橋北塊又東至

董宗伯第前又東至通判署前

俗稱三府前

又東經官房街南口

又東經新橋北塊又東經混堂街南口又東踰東弔橋為百

間樓口又東經沈家街南口至晏公廟前又東至董宗伯祠

前又東至總管堂前又東沿塘路至極樂庵前

東柵下塘

自大橋南塊向東至看牆頭

即宗伯第隔河照牆

經看牆街

北口又東踰留嬰橋為船場浜口又東踰醬園橋為皇御河

口又東至董進士祠前

俗稱牌樓前

又東踰三板橋為倉潭口又



東經新橋南塊又東至馬家匯迤南為馬家港口又東踰馬家橋迤北又東至石鋪里又東踰三楊畝橋為船廠頭四牌樓前又東至撞塘壩

西柵上塘 自清風橋西塊向西為壽星街又西為務前經西莊家街南口又西經石家街南口又西經垂虹橋北塊踰西弔橋又西經妙境小街南口又西經妙境大街南口又西至祇園寺前又西沿塘路達三里橋

邢典溝西若水西來白似雲市梢風景絕塵氛祇園鐵冷唐時佛仁福碑殘宋代墳一片平疇宜稻麥幾回散步看耕耘浮塵擾擾緣何事弁嶺常青日易曛

西柵下塘 自泰安橋西塊迤北向西為姚家匯又西為紀家

壩口 南通紀家壩西莊村及白鵬兜踰豐年橋又西為米廊下又西經垂虹

橋南塊 南通倉橋及鳳凰池又西踰沐鳳橋為樹行埭又西至三官堂

前又西至大士庵前

南柵市河東岸 自大橋南塊迤西向南為大橋灣又南經泰

安橋東塊又南為絲行埭又南經便民橋東塊蛤蜊街西口

又南踰東交界壩橋 沿河向東為年家廊下一作廿又南踰

定心橋至張王廟前經張王廟橋東塊又南經花園街西口

又南經興福橋東塊又南經蓮界街西口又南經餘祥街西

口又南經華家橋東塊東華家街西口又南踰鳳凰橋 沿河

通土地又南經南安橋東塊東南安街西口又南踰醋坊橋

南塊沿河向東踰師古橋通渡船頭北又南經南新橋東塊



又南踰黃楊橋東通黃楊兒為戲臺頭即總管堂又南至百老橋

南柵市河西岸 自泰安橋西塊向南經陶家街東口又南為

南白場又南經便民橋西塊又南踰西交界壩橋西通城隍上又

南經張王廟橋西塊觀音街東口又南踰夢華橋為秤錘潭

口西通簾里及補船村又南經興福橋西塊又南為新開河口西通新開河頭

踰鷓鴣橋又南經華家橋西塊西華家街東口又南踰蔣家

橋又南經蔣家街東口又南經南安橋西塊西南安街東口

又南至南新橋西塊又南至總管堂前踰蘇露橋又南接簡

五塘

北柵市河東岸 自清風橋東塊向北為爆場街又北踰天帶

橋為後河口又北經太平橋東塊又北經鹽店橋東塊又北

至柵椿橋東塊迤東為百間樓口又北踰蓮界橋至葫蘆白

場南北通下壩迤西又北至姚家匯北新橋東塊踰北新橋向北至竹篠匯向南

溪橋

施國祁遊北郊託友人塵腥鬧厭若徘徊訪舊郊原月幾

回車駕雙橋塘上路郊外西岸南北兩車駕橋東去留下

康王寺約七里皆因宋村約一里西去上林村約十里南去

高宗南渡附會之說 塔池七級水中隈郊外北新橋北

池如臥 劉公野廟尋碑去柵外東岸宋劉宰祠俗名莽將堂董氏花墳下

馬來又董墳俗名老墳灘有梅花最好斜陽迤北望洞庭

金碧畫圖開

北柵市河西岸 自清風橋西塊向北經南莊家街東口又北

經太平橋西塊北莊家街東口又北踰圓通橋為唐家兜口



又北經鹽店橋西塊又北至柵椿橋西塊轉西過新木橋為北小圩北通北新橋稍西通又新橋沿河成市皆同治後所關

百間樓東北岸 自蓮界橋北塊向東迤南經少年街口又南經醬園街口又南經長板橋東塊又南為洗粉兜口踰朱家板橋又南至東弔橋東塊

董載昌潯溪竹枝詞垂楊踈地掩清秋長板橋頭水自流分付哀絲與豪竹夜深吹徧百間樓  
樂工多居此

百間樓西南岸 自蓮界橋南塊向東迤南經煤矢街口又南經柴場街口又南經長板橋西塊又南為後河栲栳灣口踰聞濤橋迤東又南接混堂街

馬家港西岸 自馬家橋西塊向南至東藏寺前又南經明德橋西塊又南踰長生橋達城隍廟前

馬家港東岸 自馬家橋東塊向南經北小兜口踰木橋又南經朱少師第前又南經南小兜口  
東通范莊 踰木橋又南至明德橋東塊又南迤東達孫家壩

後河北岸 自天帶橋北塊向東經藕湖橋北塊煤矢街口又東經柴場街口又東轉南為栲栳灣經官房橋東塊轉東至聞濤橋北塊

永安橋港東岸 自西弔橋東塊向北經小弔橋東塊又北經牛棚長壽二街口又北至永安橋東塊  
踰永安橋向西轉東通妙境庵兜 轉東即西木行



大街 卽東柵上塘東至新橋聞濤閣前西至清風橋

壽星街 卽西柵上塘東至清風橋西至務前

爆場街 卽北市河東岸南至清風橋北至天帶橋

東通津坊 在大橋東首大街

西通津坊 在大橋西首大街

寶善坊 在爆場街之中其街名改爆場爲寶善卽以名其坊

按以上三坊光緒十二年十二月大  
街大火後建設公牆三處上題坊名

大船坊 在北柵外棟五圩

務前 卽西柵上塘壽星街西元明設稅務處

董恂潯溪棹歌監鎮衙空驛館遷前朝遺制渺寒煙已無

酒醋茶油課猶聽行人問務前

董攀龍潯溪竹枝詞坊指文奎近石街酒樓高聳下懸牌

宋朝稅務今時廢且飲錢樓酒暢懷卽今務前

絲行埭 卽南市河東岸南至東交界壩橋北至泰安橋

樹行埭 卽西柵下塘東至沐鳳橋西盡西柵

西木行 東至北柵柵橋西至西柵永安橋

米廊下 卽西柵下塘東至豐年橋西至垂虹橋俗呼米棚下

張鎮潯溪漁唱纔聽三春布穀鳴又過八月穫香杭年來

杵臼村村鬧贏得冬春入米棚

董蠡舟潯溪棹歌雞缸壇盞樣能傳雨過天青傳彩鮮欲

共東皇鬪顏色賣花船泊米廊前米廊下賣瓷器者列肆  
焉吳中賣花者至輒聚

此汪志按乾隆以前此地米市最盛故得此名吳下花  
船泊百間樓及馬家港今則但有瓷器列肆米市移于西



木行而賣花船多泊于此矣慶雲接近則資器已無列肆賣花船亦移泊廣惠橋上塘

官房街 南通大街北通官房橋

混堂街 南通新橋北通聞濤橋

沈家街 南通東柵北通洗粉兜

少年街 西南通百間樓東北通洗粉兜俗名燒銀街

醬園街 西南通百間樓

煤矢街 東北通百間樓南通後河頭街內有煤山按煤山今廢

柴場街 東北通百間樓南通後河頭

看牆街 北通看牆頭東南通船場浜

倉潭街 北通倉潭南通蓮溪

莊家街 東口二並通北柵偏北為北莊家街偏南為南莊家

街南口通西柵為西莊家街一作臧家街

石家街 本名石街巷南通西柵北通唐家兜汪志按舊傳唐陸龜蒙鬪鴨欄

處無據

牛棚街 西通永安橋東通唐家兜

長壽街 西通永安橋

妙境街 一名大街南通西柵東通妙境橋

妙境小街 南通西柵北通妙境木橋

金雞街 南通紀家壩北通鳳凰池汪志按或云此係向時紀氏私街舊金雞街實在南

柵鳳凰橋南近年已塞斷今以紀汝霖鸞覺集為據

蛤蜊街 西通南柵東通巡檢司署後溪上汪志按地名溪上而實無溪或云向

有吳氏自爛溪遷此人稱溪上吳家遂并地名亦僑立焉或云舊時薛家漾較大于今此地濱漾故名



司前街 在巡檢司署右南通會際橋北通溪上

花園街 西通南柵東踰花園橋通城隍廟前以街內有夏家

園得名 按汪志作以華氏小桃源園得名譌

蓮界街 西通南柵東通寓園前

餘祥街 西通南柵東通土地堂前俗名皮匠街

東華家街 一名通利街西通南柵東通土地堂前

東南安街 西通南柵東通太君堂前

陶家街 東通南柵西通白鵲兜

觀音街 東通南柵西通補船村鯨里及城壕

西華家街 東通南柵西通萬古橋及長生寺前

蔣家街 東通南柵西通麻皮兜

姚家街 東通南柵西通糶糠兜或卽汪志所載西南安街

洗粉兜 西通百間樓東通大幹字圩一作西芬兜一作西分

兜 汪志按舊志云西施洗妝于此附會無據增修十景有洗粉花香

邢典南林雜詠西分兜不見詩人久歌傳十二紅西分兜

水潔還與昔年同

華家兜 在南柵報國寺西南宋華文勝居此得名一在西柵

外糟三圩

唐家兜 東通北柵西通石家牛棚二街一在南柵外要二圩

妙境庵兜 南通西柵東通永安橋西爲妙境白場

董恂重過妙境場一渠新水遶孤村疎竹圍環隱寺門回

首舊遊無限意夕陽芳草黯銷魂



白鵬兜

東通陶家街西北通楊家橋南為徐家漾一作白雁

兜

董熈歸潯溪卽事家臨紅蓼白蘋間枕藉清流月一灣風

雨刺船緣底事勞生輸與白鵬閒

屋後兜名白鵬

又白鵬兜都無三徑能延客但有清溪可漱流魚婢蟹奴

緣底事也來分我白鵬兜

董載昌潯溪竹枝詞一樹樓欄兩板扉浣衣穩坐釣魚磯

妾家白雁兜前住空見年年白雁飛

董蠡舟潯溪棹歌已覺囂塵遠市闌小橋通處水彎環雪

塘艤艇飼花鴨月夜開籠放白鵬

冬日販鴨船悉泊于此

周慶森白鵬兜誰家愛住白鵬西清美堂開綠繞谿不信

也遭文字獄雕梁空有燕銜泥

朱佑明宅因購朱文肅家清美堂舊額遂定識入官

三楊畝兜

在東柵懼二圩

船場浜

北通東柵西通看牆街一作船長浜

栲栳灣

在北柵通東柵後河曲處居民多以製栲栳為業

董恂潯溪棹歌折得楊枝又柳枝生涯十指强支持移家

栲栳灣中好聽唱迴波舊日詞

大橋灣

在通津橋西十字港東南

范莊灣

在馬家港東南

東塔灣

在東柵外運河為分水墩所阻分瀉兩旁得此名一

作東瀨灣一作三瀨灣

范階潯溪紀事詩風信吹殘柳絮飄一聲離笛客魂銷塔



灣東去迢迢水直到松陵第幾橋

董蠡舟潯溪棹歌東瀨灣東鴨嘴停際天煙水曉冥冥棹

歌聽唱江南好滿樹流鶯半邏亭半邏亭在鎮東六里震澤縣界

北小圩 在北柵一百六十三莊本為荒地無民居咸同之間

粵匪踞鎮北柵中市悉被焚燬北小圩出柵口甚近商民搭

蘆棚設肆有張姓盡得其地亂後改建瓦屋復於萬善庵下

岸建木橋以通行人屢舍櫛比久成市集初張氏築新木橋時里人嫉之訟諸

官交爭不已當道以便民為是乃令張氏捐助公益允其建築定案

竹篠匯 在北柵北新橋西北

北姚家匯 在北柵北新橋東南

南姚家匯 在泰安橋西十字港西南

馬家匯 在馬家港西洪濟橋東

竹園匯 在南柵醋坊橋東竹園港

梅花渡 在補船村有梅花數十株今廢

蜆子灘 在南柵蘇露橋西

張鎮潯溪漁唱環溪南畔半浮家蜆子灘頭一徑餘日暮

鼠船齊泊岸漁燈點點隔蘆花

姚家灘 在北柵彩虹橋西沿灘多泊釣艇

老墳灘 在北十字港東北董氏墓前

范錯潯溪竹枝詞春風酒榼好追歡幾樹梅花破小寒翁

仲無言啼鳥寂夕陽流水老墳灘

俞家澗 在垂虹橋南紀家壩北



撞塘壩 在東柵外運河南岸烏程震澤東西分界

東壩 在西柵外運河南岸

西壩 在西柵外運河南岸

紀家壩 西通西莊村東北通豐年橋

孫家壩 在范莊灣東南西通九曲里

上壩 卽彩虹橋西通姚家灘東南通竹篠匯

下壩 一名穀豐村南通葫蘆白場北通箬帽橋

南壩 在北柵外古澗港西

北壩 在北柵外古澗港西

分鄉壩 一在東柵外極樂庵西爲江浙分界處壩西屬烏程

恒字一圩壩東屬震澤大幹字圩舊有石樹荻塘表界今無

存一在西柵外胡家兜北南潯與謝村兩鄉東西分界處一

在西柵外東莊港一在鎮西南牒二圩一在鎮西南厭二圩

馬要與南潯兩鄉分界處一在南柵外大圩兜底至河水兜

底東爲江蘇吳江縣界一在南柵外簡五圩一在南柵外鬪

牛壩簡一圩東爲江浙兩省東西分界一在南柵外南社兜

烏鎮南潯兩鄉分界處

灣灣壩 在西柵外東糠五圩爲南潯與謝村兩鄉分界處

糠三壩 在西柵外糠三圩十里橋西



南潯志卷五終

南潯志卷六

里人周慶雲纂

村莊

長興港 在糟一圩有東長興港西長興港居民以鋸木為業

胡家兜 在糟一圩

東河兜 在糟一圩

楊家兜 西兜在糟二圩東兜南兜在糟三南圩

朱塢村 在糟三北圩元教諭褚天祐所居

夏家兜 在糟三北圩

賤家兜 在糟三北圩

蕩頭 在糟三南圩



閔家兜 在槽五圩

施家兜 在厭三北圩

小圩港 在厭三南圩港東為詳四圩屬一百七十下莊

馬家莊 在厭四圩

朱家兜 在厭四圩

箬帽兜 在厭四圩

孫家匯 在厭四圩

顧家兜 在厭四圩

金家兜 在厭四圩

長兜 在厭四圩

東兜 在厭五圩

西兜 在厭五圩

陸家兜 在厭五圩

徐家埭 在厭五圩

以上一百六十上莊又名南莊

聖堂港 在嫡三圩有聖堂廟楊氏祠堂

蘆蕩灣 在嫡三圩

六里橋兜 在嫡三圩

方丈港 在後一圩芳溪舊傳港南有方丈寺因以得名後改

民心寺為朱氏聚族而居港東港西有百數十戶他姓僅一

二戶務農者居多港東有新庵

黃家莊 在後一圩



潘家兜 在後二圩

六里橋兜 在後四圩港南為後五圩

高地頭 在後四圩

賢人兜 在後五圩

胡家兜 在糠二圩西南在糠三圩人煙百數十家

宋北兜 在糠五圩

塘灣村 在糠五圩

東五橋村 在糠五圩

顧家兜 在糠五圩

張虎兜 在糠五圩

周家兜 在糠五圩

五家壩 在糠五圩

閔家灣 在糠五圩

以上一百六十下莊又名北莊

碟子漾東灘 在厰二圩

東木匠澣 在嫡一圩

張家兜 在嫡一圩

西木匠澣 在嫡一圩港北為嫡二圩

十一房兜 在嫡一圩

七房灣 在嫡一圩

雙蕩兜 在嫡二圩有東西兩兜

陳家港東村 在嫡四圩西村在嫡五圩



葉家兜 在嫡四圩

虞家匯 在嫡五圩

朱家匯 在嫡五圩

石欄兜 在烹五圩港北為宰一圩

竹竿兜 在烹五圩

莊家灣 在烹五圩

李家匯 在烹五圩港東為宰二圩

陳家兜 在宰一圩

聖堂兜 在宰三圩

沈家匯 在宰三圩

楊灣 在宰三圩

小兜 在宰四圩

順塘壩 在宰五圩

南河兜 在飢一圩

羅家兜 在飢一圩

沈家港 在飢一圩

直港 在飢二圩港西為飢四圩

褚家兜 在飢三圩

俞家村 在飢四圩

西河兜 在飢四圩

木棚兜 在飢四圩

以上一百六十一莊



塘田圩 在嗣一圩有東西兩圩

和睦灣 在嗣四圩

鑊子兜 在嗣五圩

盛家埭 在嗣五圩

潘家兜 在祭一圩

戴家灣 在祭二圩

孫家灣 在祭二圩

秀才兜 在祭二圩

小橋村 在祭二圩港南為祀四圩

王家兜 在祭二圩內有坵圩

馬家兜 在祭二圩

短兜 在祭二圩

長兜 在祭三圩

方家港 在祭四圩有方氏宗祠人煙百餘家在港裏者曰方家裏港

南灣 在祭五圩

北灣 在祭五圩

戴家灣 在祭五圩

散虎灣 在祀二圩

南壩頭 在祀三圩

莫家灣港西 在嘗三圩

奈家兜 在續一圩



社家兜 在續一圩有東西兩兜

王家莊 在續一圩

王家港 在續二圩

楊家壩 在續二圩

錢家埭 在續三圩

大港 在續三圩

丁家灣 在續四圩有興隆庵

丁家港 在續五圩為西丁家港即裘莊有極耕庵在丁氏宗

祠左港北為續三圩東丁家港在祭二圩港東為祀三圩港

內二三百家丁氏一姓相承自明迄今人煙稱繁庶焉

楊家兜 在續五圩

以上一百六十二上莊

南壩 在祀一圩

北壩 在祀一圩

周家灣 在稽一圩

求金兜 在稽二圩

六十畝兜 在稽二圩

李家河 在稽二圩港東為稽三圩有人煙百數十家務農而

兼傭販有金仙廟佑聖庵

畢家兜 在稽三圩

吳家涇 在稽四南圩

北迴橋港西 在稽四南圩



瑤田 在稽五圩瑤溪分中段南段北段東北段西北段有人

煙二百餘家中段有永壽庵南聖庵

南兜 在稽五圩

楊家兜 在賴一圩

唐官村 在賴二圩

江家兜 在賴二圩有聖塘庵

張店匯 在賴二圩

團魚兜 在賴二圩

善莊 在賴三圩東兜在賴四圩有長壽庵西兜在賴五圩內

有坵圩

芋葉灘 舊名集賢灘在賴五圩有聖堂庵

北斜河 在再一圩港南為再二圩有大通庵

小橋村 在再一圩

南斜河 在再二圩有雲興禪寺港南為拜二圩

新橋港 在再三圩

東潘村 在再四圩

南潘村 在再五圩

謝人灣 在再五圩

坟灣 即桂花坟在拜三圩

西莊灣 在拜三圩

南陳 在拜三圩

姚家兜 在拜三圩



陸家壩 在拜三圩

大船舫兜 在悚一圩

尤家壩 在悚二圩

莫家灣 在悚三圩有人煙百餘家務農外兼傭販生涯

以上一百六十二下莊

對楓灣 在嘗一圩

亭亭灣 在嘗一圩

西莊村 在嘗一圩南通簾里亦稱西村有法華庵村有小圩

建五聖堂明陳忱居此

明陳忱敬夫移居西村流離憐杜老還僦瀼西居水作孤村抱門開煙柳疎裏沙移藥草帶雨負殘書世故雖多舛

南薰且晏如 溪上雲林合茅茨落照邊奇情負山水雜興託園田老去詩真誤貧來家屢遷苔西清絕處棲逸在何年

又初夏村居卽事秧葉新齊護淺沙竹門初啟日將斜客來話到繁華事笑指籬邊着槿花

紀端村中夏景可入畫只在此村看比屋豆棚喧笑語小橋流水坐團欒

董世熙西村晚步日落村西步歸鴉噪晚風客暄松徑外犬吠竹林中野艇溪灣宿村燈樹杪紅歸來庭戶寂淡月瘦枯桐

邢典西村寂寞西村路前朝是水濱吾家荒隴在

明成化間典十



七世祖天池公葬于此墓道有鄰人

紀峻西村閒來呼渡壩橋西垂柳垂楊暗護隄茅屋數家  
人不見出牆枝上竊紅啼

沈謙潯溪雜憶詩水鄉風味果如何到處魚椿蟹簍多偶

向西莊搖艫過十三因女唱吳歌

張鑑潯溪棹歌秋陰烏相落西村打鴨歸來煙霧昏一棹

紅蘋深處去燕捎明月印蓑痕西村漁火為十景之一

董攀龍潯溪竹枝詞漁燈點點似星懸隔浦煙迷十頃蓮

忽見鴛鴦驚拍起櫂歌唱近使君船吳園次太守詩七月新涼暑氣微荷花深

處釣船歸五湖魚鳥猶相識爭傍蘭橈不忍飛

紀磊西村雜詠半灣流水裏垂楊隔岸僧廬渡野航此景

宛然猶在目一杯醞醪弔潯陽

董漢策魁庵家誠云先宗伯公未遇時在潯西法華

寺同紀氏諸先達讀書每三六九文期晡刻完三藝即浮木板載酒肴渡對岸綠楊下與諸公痛飲歸來題詩壁上

作孽窠字至今滿壁猶淋漓有生氣也分明猶是瀼西居曾憶詩人此結

廬今日經過多是恨並無煙柳翳門闕明陳忱敬夫移居西村詩流離憐杜

老還餽瀼西居水作孤村抱門開煙柳疎老作松陵古寓公故園回首夕陽

中歸來丁令知何日唱斷秋霞一片紅陳寅清霽山居西村見榴龕隨筆秋

霞為其最後所居集名牧童歸去路黃昏一幅春牛迴絕倫尹老

故居何處是卻將名字占西村尹錫善畫牛號西村實居南兜

鱉里 在西莊村南跨有三莊四圩其在一百六十三莊嘗一

圩為沈家埭桂家埭一百六十七莊祀五圩為陳家兜蒸二

圩為華家埭章家埭吳家埭濮家埭計家兜談家兜談家灣



潘家埭一百六十八莊蒸三圩為方家埭褚家埭里中居民大半鋸木為業農具外兼製算盤錢板篋桶升蘿及玩具肩擔挑售謂之算盤擔推行江浙各處

范錯溇溪竹枝詞一抹輕煙兩岸風歸來簾里夕陽中漁家莫道無春色落盡桃花滿釣篷

斗門 在簾里沈家埭

以上一百六十三莊內嘗二圩查無村莊

補船村 在棧二圩西北通簾里亦名南村今無補船為業之家故補船之名久湮

明董說南村即景鳥啄櫻桃壓樹垂種秧歸屋履懸籬水村補瓦迎梅雨野廟酬神唱豔詩斷渚客呼漁艇渡落霞

僧立石橋窺燈前細引兒童話寫作南溇即景詞

又村居述五岳聊遊水墨屏江陵老去戶長扃松風午觸茶煙逆蘋葉秋粘釣艇青耆舊集中看故國田家識裏證殘經賣花人到話新事除卻看山總厭聽

又補船村青楓為屋柳為門細雨斜風總莫論祇為生涯慕船子斷帆秋掛補船村

又採菱詞伏夏補船村水交流如雙玉環松花食盡飽依然隨意清溪翦碧鮮一筋冰絲載書畫華亭不數舊時船

白鷺飛邊翡翠鋪筠竿打破浪花麤柳煙如夢人敲笠錯認元真釣雨圖

又補船溪口曉望黃鵠渺千里寧為稻梁謀哀雁但隨陽



淒鏘春復秋溪口月初落雞鳴煙四浮波紋蹙魚鱗碎碧  
菱苗稠採菱汲溪水療飢復何求療飢雖云樂青山棄良  
儔曉立高柳中洗硯賦遠遊

又祖弓至補船渡水不得立沙際久之隔水看同沙鳥停  
斷橋秋霽樹冥冥呼將魚艇風初急影落蘋絲袖半青

又補船斧歌補船村頭補船斧斧聲當當惱人耳惱人倍  
惱補船僧補船僧無船可補江南葉脫水拍天九峯三泖  
巢神仙華亭船子歌聲在只少煙槳相追攀裊裊歌聲浪  
花去後人筆畫前人處畫學生疎烘染澀準備烏絲募船  
疏釣竿手枯松柏膚如椎十指文章無不如隨順聽船補  
野鴨子浮菱葉鋪

紀官補船村歸語言逼迫回身避處處新苗一寸青畦徑  
縱橫自端好詩人往復聽農經溪橋望徧西村路柳樹時  
遮東市腥此意無多歸記取窗前拂素坐停停

又至補船因病閉門非裏足病差柳色在晴明人來曠野  
雲間望船在深村樹下行

又野望在補船村鷺鳥巢中初學語空齋伴我寞然時東牆已  
破通溪柳一搭風光一句詩

釋蔭在補船閒眺一曲垂楊裏壞橋犢禪人去攬新苗蒼  
茫久立成詩渴更掬溪流手代瓢

范錯潯溪紀事詩鷓鴣橋上鷓鴣啼豐草庵前豐草蕩唱  
罷月函禪樂府補船村外夕陽西



董蠡舟潯溪棹歌寶雲人去暮雲昏豐草庵荒蔓草存小

泊菰蒲聽秋雨一天涼綠補船村若雨先生有聽雨圖其自題有云舟聽雨綠綠

涼則

洞賓灣 在賤五圩

大師兜 在賤五圩有大師尼庵

邵家蕩 在賤五圩有安谷庵

長兜 在賤五圩

北水港 在賤五圩

東迎港 在牒一圩

曹灣 在牒一圩有人煙百餘家

和睦兜 在牒一圩港南為詳四圩屬一百七十下莊有人煙百餘家

方家匯 在牒一圩舊有人烟數十家皆連雲大厦今稍稍荒落矣

祝香兜 在牒一圩

登青壩 在牒二圩

眞慶壩橋港西 在牒二圩

牒三圩橋 在牒三圩

唐家兜 在要二圩有太平庵

直港匯 在要二圩

孟長兜 在簡二圩

張孟兜 在簡二圩

談家兜 在答一圩



茂任灣 在審一圩又名眉月灣

貝家兜 在審一圩

前塌兜 在審一圩

北社兜港北 在審一圩有淤溪土地廟

以上一百六十六上莊

草蕩漾村 在要一圩港東為簡五圩

羅漢壩 在要一圩港南為顧二圩屬一百七十下莊

小壩里 在要一圩

朱家板橋 在簡四圩

沈家兜 在簡四圩

蔣家兜 在簡五圩

豐田兜 在答四圩

楊家匯 在答四圩

泥壩橋 在答四圩

福丁橋東 在顧三圩

大洪村 在顧四圩有大洪廟

蓮池兜 在顧四圩

白下兜 在顧四圩

姚家兜 在顧四圩有復興庵

大風兜 在顧五圩

溫吞兜 在顧五圩

稽家兜 在顧五圩

村莊



東莊 在顧五圩

以上一百六十六下莊內答三圩已沈沒沈莊漾

倪家匯 在蒸四圩

朝北埭 在蒸四圩

孟家寮 在恐二圩

泥司兜 在恐二圩兜口有結草庵

南喜兜 在恐二圩港西為恐三圩屬一百七十下莊有淨土庵

渡船頭 在恒五圩

以上一百六十七莊內祀五圩蒸二圩之村莊已并載一百六十三莊隙里下

許家兜 在牒四圩

高基兜 在牒四圩兜口有永福庵

豆腐兜 在牒四圩

乍安兜 一名茶葉兜在牒四圩

幾畝兜 在牒四圩

善田灣 在牒四圩元張士諒居此

水棚下 在牒四圩

閔塘兜 在牒五圩兜口有永寧庵俗稱三官堂

硬漲橋 在簡三圩

南社兜 在審二圩

小雞兜 在恐一圩

南小兜 在恐一圩

烏盆兜 在恒二圩



韓家兜 在恒二圩

孫家壩港南 在恒三圩

褚家兜 在恒三圩

以上一百六十八莊內蒸三圩之村莊已并載一百六十三莊鱗里下

博成橋 在答五圩

喬家兜 在答五圩

蕭家兜 在答五圩

李家兜 在答五圩

刁家兜 在答五圩有延壽庵

仙塘兜 在答五圩

南橋裏 在答五圩

淺蕩裏 在答五圩

以上一百六十九莊

樂嘉橋 在要四圩橋北有白雲庵

南蔣港 在要四圩港南為詳三圩陸唵居此

帶鈎兜 在要四圩

西石橋 在要四圩

烏鵲兜 在審三圩

萬善兜 在審三圩

宜善兜 在審三圩

張家兜 在審三圩

橫港 在審三圩



塘灣 在審三圩

沈家匯 在審三圩

獨騎壩 在審四圩有太平庵

審四村 在審四圩

藏穀橋 在審五圩港南為審二圩港名淤溪通輯里村有寶

善庵三聖禪院

雙月灣 在審五圩

陳家匯 在審五圩

東埭 在審五圩

南埭 在詳一圩

樂讀兜 在詳一圩

姚家壩 在詳一圩

輯里村 在詳一圩港南為審五圩又名淤溪俞塔村有東村

頭西村頭明相國溫體仁居此有萬善庵居民數百家市廛

櫛比農人栽桑育蠶產絲最著名甲天下海禁既開遂行銷

歐美各國曰輯里湖絲

溫斐忱七里村誌苕霅交流繞郡城而東直下五十餘里

從支流而南涯徑紆折蓄為漾散為溪又十餘里至吾村

其名曰七里吾宗聚于斯三百有餘年矣載於縣誌者曰

俞塔七里村今求所為俞塔者無有矣又曰塘橋橋之址

猶存焉至考所為七里者未之詳也父老相傳村之西有

馬溪度其里可七里其南為潯溪度其里可七里以其道



均故名爾豈非所謂無稽之言歟有稱其宜者曰七里絲  
 甲天下輦轂輸將其名上達京師夫賈皆冒七里今質于  
 江南及川廣者皆然邑乘固載之然則七里之衣被遠矣  
 有誇其先者曰馬溪世家沈氏有相國焉潯溪世家朱氏  
 有相國焉吾里之顯亦家相也三相國相距凡七里至今  
 以為謠七里所由稱歟則又有非之者曰是何取于斯柳  
 子之言曰問其位與德久矣其先也猶曰我氏大可耻也  
 吾村之西溪流紆徐煙樹迷離漁歌相答鳧鷖交飛徜徉  
 於斯者有恬波之適而無驚濤之虞是何異桐江之瀨有  
 以七里名者乎取之無禁稱之無忌以名斯村誰曰非宜  
 雖然是襲也襲者妄誇者墜稱其宜者陋度其里者質質  
 者近乎吾誌之

屠鯨寓居七里村初夏遣興綠榆低映水邊門菱葉蓮花  
 數漲痕蒼雪風光誇四月縑車聲遞一村村 做絲花落  
 做絲忙盡日南風麥弄黃村裏剪刀聲乍斷又看二葉綠  
 牆桑

北莊兜 在詳三圩

丁家兜 在詳三圩

龍尾壩 在詳三圩

以上一百七十上莊

式里港 在要三圩港西為詳四圩有真武禪院

對牛壩港東 在簡一圩



幾畝兜 在顧一圩

潘家兜 在顧一圩

定心里 在顧一圩有白雲庵

華家兜 在恐三圩

西兜 在顧二圩

北湯村 在詳四圩

焦辣村 在詳四圩港西為馬要鄉

小圩港 在詳四圩

西塘橋 在骸一圩

官房兜 在骸一圩

杜家港 在骸二圩

王家港 在骸二圩

吳家匯 在骸二圩

裏蕩漾灘 在骸二圩

以上一百七十下莊

按一百六十四莊一百六十五莊一百七十一莊在鎮區內不另錄其有一莊而兼轄鎮區已見衢巷者亦不錄



南潯志卷六終

南潯志卷七

橋梁

里人周慶雲纂

通津橋 環石在東柵中市跨運河俗名大橋宋建名潯溪橋  
後改名嘉慶三年重建咸豐五年修七年又修同治五年又  
修

時敏重建通津橋記

文見碑刻 汪志按徵信錄載司事  
郭用成等二十三人共收捐錢三千  
二百千文除開支外餘錢一百五十千文存典生息以備  
本鎮公事公用是役也時公先約各司事書疏焚香設誓  
不得稍有侵蝕其郭用成司賬監工勞金洋錢五十圓雖  
已開支即轉施報國寺鑄鐘并起造百老橋及廣惠宮起  
造東嶽殿之用

曹仁虎潯溪竹枝詞紅蠶上簇四眠過金繭成來欲化蛾



聽道今年絲價好通津橋口販船多

邢典南林雜詠通津橋萬戶周遭見千艘日夜通至今碑

是口重建有時公重建通津橋余奉別駕時公命撰記今碑在分府頭門外左壁

董蠡舟潯溪棹歌通津橋外駐蘭橈雁齒攀登趁雪朝不

憚新寒透羅襪香塵滿路印瓊瑤通津霽雪為十景之一里中耆

舊見應稀當道靈蛇大十圍怪底夜窗驚客夢屋山風雨

應龍飛通津橋下有巨蛇橫互如木舟不得行居人或逢於路或蟠於市樓第不傷人見湧幢小品相傳曾大父時有客宿予家金粟山房月夜聞風雨聲出視見一蛇首垂簷際如三斗栲栳急掩戶屏息伺之俄有聲從西北去屋瓦皆振殆卽此蛇耶

洪濟橋 環石在東柵跨運河北岸跨百間樓港南口同治十年重建并設四街礮埠

東弔橋 石級架木在東柵運河北岸跨百間樓港南口同治

五年修八年又修

紀磊弔橋 太尉城高跡已消莫將遺事問前朝至今惟看

潯溪水猶鎖東西兩弔橋

長發橋 石級架木三拱在東柵百間樓俗名長板橋道光中

重建同治五年修

張鎮潯溪漁唱 百間樓上倚嬋娟百間樓下水清漣每到

斜陽村色晚板橋東泊賣花船吳下花船多停于此

紀磊長板橋 一帶紅樓面水涯幾人錯認是秦淮板橋如

畫斜陽裏雜記無煩誌鄭娃

朱家板橋 石級架木在東柵百間樓東北岸跨洗粉兜口同



治八年重建

如意橋 平石三拱在東柵洗粉兜內一作慈蔭橋舊名洗粉

橋今名虹橋道光十一年重建今中拱易為木梁

洗粉木橋 石級架木在洗粉兜內同治十一年修

聞濤橋 石級架木在東柵百間樓西南岸跨後河口俗名混

堂橋同治四年重修

新民橋 環石在東柵運河南岸跨馬家港口舊名祖師橋俗

名馬家橋上建聖帝祖師廟光緒十六年重建改今名廟亦

廢改建小亭

明德橋 平石三拱在東柵馬家港內賢聖殿前道光十年重

修同治六年又修

寶善橋 在馬家港東岸舊名北小兜橋架木有屋同治五年

修

至善橋 在馬家港東岸舊名南小兜橋架木有屋同治六年

修

廣福橋 環石在馬家港西岸青華觀後今名長生橋咸豐八

年重建同治七年修

三板橋 石級架木在東柵運河南岸跨倉潭口嘉慶二年重

建同治五年修宣統三年又修

永福橋 平石在東柵運河南岸跨皇御河口舊名御河橋俗

名醬園橋上有隨糧王祠久燬同治五年重修

御河暖橋 石級架木在東柵皇御河內同治五年修宣統三



年又修

蓮溪橋 架木在皇御河東岸今廢

永凝橋 平石在東柵運河南岸跨船場浜口舊名留嬰橋同

治五年修

三楊畝橋 石級架木在東柵外運河南岸跨三楊畝兜口一

名船廠橋同治六年修

力持橋 平石三礮在鎮東南栗樹港舊名栗樹廟橋光緒九

年重建

垂虹橋 環石在西柵跨運河俗名晨虹橋咸豐五年修光緒

二十八年重建橋面橋有五足象龍形今西南一足已被居

民拆去相傳有火龍匿其下故橋之上跨上塘街建晏公廟

以鎮之乾隆十七年其廟仍燬於火今上塘橋下有樓屋相  
傳樓上不開窗開則鄰近必火至不可解

明華士嶼中秋偕友人垂虹橋坐月秋思澄江遠遽然病  
骨蘇閒情樽可寄有客月非孤不夜搖銀海垂虹坐玉壺  
何須幔亭彩身恍度仙都

丁源垂虹橋竹枝詞荻花塘上荻花秋來往風帆過客舟  
載得西家浣紗女扁舟直到五湖頭 西風落日奈愁何  
傍水人家夾岸多夜半月明聞欸乃黃頭齊唱舊山歌  
家家結網半從漁鱸鰕槎頭笑不如最好趁風梅雨候柳  
條穿得白時魚 採菱渡口荻花塘雙髻如丫紅粉妝不  
及筠籃採桑女春來新織嫁衣裳 簇簇江村萬井煙門



前多泊估人船麥奴黃後稻孫綠十斛明珠值幾錢  
家住近古虹橋郎若來時詩一瓢風月滿窗清似水紅花  
開到美人蕉

董載昌潯溪雜詩百尺危橋落彩虹誰知勺水是龍宮他  
年噓氣成雲後吸取西江水一空

邢典南林雜詠垂虹橋夕陽見蒼弁積雪明洞庭不向垂  
虹望誰教眼倍青

董蠡舟潯溪棹歌輕寒料峭一村風聞道臙脂落日紅生  
怕明朝歸棹阻玉纖扶婢上垂虹垂虹落照亦十景之一

董恂秋日出遊踏殘黃葉訪吟窩竹杖芒鞋得得過秋色  
滿天何處好垂虹橋口夕陽多

又潯溪棹歌虹影橫空臥一條小紅何處和吹簫閒看落  
照登臨去絕勝松陵十四橋

紀磊垂虹橋清溪百尺跨垂虹俎豆千秋祀晏公今日祝  
融頻肆虐崇祠誰復起穹窿垂虹橋北晏公祠為禦火建乾隆時廢

李世伸潯溪棹歌垂虹橋畔足幽居流水彎環好結廬最  
是詩情堪入畫半湖殘照賣鱸魚

西弔橋 環石在西柵運河北岸跨永安橋港南口嘉慶十四  
年重建同治四年修

石像橋 平石在西柵西弔橋北一名小弔橋嘉慶中建  
孫燮潯西石像記節錄潯之西有橋橋側有菴地甚臭穢市

人于此旋焉居者弗堪也琢石為老人像置菴口庶幾入



有所避而旋者如故市有博者夜夢神謂之曰祭我我助汝博且見石像如所夢禱焉果大獲其鄰賣漿者以漿之不售也亦往禱漿果倍售于是疾病者負販者稱貸者凡有求者皆禱備牲牢酒醴而至者踵相接優伶演戲為賽會日夜不休里人以神像露處不稱崇祀率錢構屋限于地則徹路盡入于屋而別作小橋通往來方鳩工禱者漸稀屋成禱者絕不至不數月人復旋于其側焉

永安橋 環石在西柵乾隆四十四年重建同治五年修

董蠡舟潯溪棹歌深掩烏篷怯曉寒十年前事話更闌冰鮮大艚碇三板織里書船聚永安

三板永安皆橋名

永安木橋 架木在永安橋西同治六年修

廟徑橋 平石在西柵妙境庵兜一作妙境橋一名詩橋今名

明月橋光緒三十三年重建按攷朱文肅集此橋並不與秦安橋同名蓋後人妄改俾與朱相影附耳

廟徑木橋 石級架木在廟徑橋東

豐年橋 環石在西柵運河南岸跨紀家壩口乾隆壬寅重修上有祖師廟

董蠡舟潯溪棹歌黃雲極望陌阡連十斛多收土戶田上水擔篙抄路近豐年橋下討租船

紀磊豐年橋淫霖歲歲淹禾田十室應憐九磬懸惟有勘災官長到題橋名自說豐年

天到橋 環石在西柵豐年橋西俗名棧房前康熙十五年里



人紀廣重建道光二年復建側有御書閣

紀峻重建天到橋記去予家數十武而近有橋曰天到蓋所從來者遠矣今上御極之元年里中父老子弟慮斯橋之久而欲圯也謀所以更新之且謂維居于橋側者于工料所需經理甚便一時若溫君曰鑑邱君學海族弟觀德族姪珩諸人董其役不匝月募有成數相與庀材鳩工經始于道光壬午之二月閱三月歲事向之敲側者今成坦道鄉之人士過而樂之紀子舉手而言曰物莫不有盛衰而惟利人者恆壽方高宗南渡駐蹕明義庵斯橋適承幸之所經固斯橋之幸事也然嘗聞宋元時自東抵西寥寥數家庵在葭葦叢間斯橋亦不過掩映于溪流村落而

已今則人居稠密比屋雲連橋亦幾成孔道蓋我國家休養生息涵濡已百數十年之深矣抑家譜載峻先六世祖茲階公于康熙初重建斯橋及見公日記知爲丙辰歲共費白金五十兩有奇橋之中有碣焉乃丙辰之三月夫自丙辰迄今不過百數十年而其費且踰乎倍踰乎徒不知自公而前修者幾人費復幾何今峻也力有不逮不能步武前人心竊傷之然推我公澤行旅惠桑梓之心今得好善諸君子踴躍樂施不數月卽觀厥成豈非里之中一快事哉鄉老聞之欣然而笑曰有是哉古今滄桑更易豈僅此區區者哉今子曷書其事使後斯者知我里之日增月盛斯橋亦日久而彌新子又何必以一家之盛衰爲戚



戚乎予因退而稽之計椿木值若干石料值若干工食費若干又雜費若干凡白金三百六十五兩有奇樂捐姓氏幾十幾家俟泐之貞珉以與斯橋並壽云

楊家橋 平石在西柵紀家壩乾隆時重建咸豐七年加石欄同治五年修光緒二年重建

鍾嘉橋 平石在西莊村乾隆時重建咸豐七年加石欄一作鍾家橋同治五年修光緒二年重建

紀磊鍾家橋石橋南去古城壕唱當年有二豪一卷清歌誰省識野花映水自蕭騷殷赤珠號迂叟與沈公怡同居城壕有唱和集

沐鳳橋 環石在西柵運河南岸跨西倉港口一名鳳凰橋乾隆十一年重建道光十二年復建同治四年又建側有鳳凰

池

汪志按府志縣志俱作鳳凰橋與南柵鳳凰橋同名

紀再思重建沐鳳橋記文見碑刻

鳴鳳橋

架木三拱在西柵沐鳳橋南亦稱倉橋

汪志按相傳朱佑明家米

倉在此因架木為橋名倉橋在鳴鳳橋之北後橋已拆去而倉橋之名遂移屬此橋矣

紀家壩橋 平石在西柵鳴鳳橋南俗稱壩橋同治七年修宣統三年又修

紀磊潯溪雜詠壩橋小橋流水近門牆笑語朝朝趁晚涼我亦當時舊子弟不堪回首問斜陽

化人橋

平石在西柵秀水墳前跨石溪

秀水橋

架木在化人橋東俗稱小木橋

小圩橋

平石在西柵小圩北



三里橋 環石在西柵外運河北岸荻塘上康熙初重建嘉慶十四年復建

董恂潯溪棹歌三里橋邊水染螺裘莊風景得秋多阿奴生小丁家港慣唱丁孃十索歌

小橋 石級架木在鎮西北小橋村

楊家兜橋 架木三硯在楊家兜

福積橋 平石在鎮西北嘗五圩俗名黑漆橋咸豐五年重建

紅牆橋 石級架木三硯在北柵嘗五圩

丁家港橋 石級架木三硯在西柵外丁家港

渡船橋 石級架木五硯在西柵外南壩

南壩橋 石級架木三硯在南壩

方家港橋 石級架木三硯在西柵外方家裏港

積善橋 石級架木三硯在西柵外方家港

界河橋 平石在西柵外王家港北通橫過塘同治五年修

王家莊橋 石級架木三硯在界河橋南

王家橋 平石在王家港

半路塘橋 環石在西柵外橫過塘光緒十六年重建

六里橋 環石在西柵外運河北岸三里橋西同治十三年重

建

興隆橋 平石三硯在西柵外丁家灣

九里橋 環石在西柵外運河北岸六里橋西同治十二年重

建



紀端九里橋蓼花風急近重陽兩岸初鎌稻把香青林欲  
染成爲纈須到冬初九月霜

紀官晚過九里橋樹暗空潭蟬韻清隔溪輪月出雲城不  
須更俟中秋夜填寫唐皇漢使名

十里橋 平石在西柵外運河北岸九里橋西道光七年重建

萬安橋 平石在西柵外方丈港南俗名北莊橋嘉慶十三年

重建

方丈港橋 石級架木三礮在方丈港

新庵橋 架木三礮在方丈港東

百壽橋 平石三礮在方丈港西道光三年方丈港朱景彝慶

六十壽因出資建此橋

張家板橋 石級架木三礮在百壽橋西

喬家橋 石級架木三礮在方丈港北虞家匯

陳家港橋 石級架木三礮在方丈港北陳家港

大通橋 平石三礮在陳家港北

聖塘橋 平石三礮在聖塘港北光緒二十七年重建

咸安橋 平石三礮在半路塘西南俗名河泥橋宣統三年張

鈞衡妻徐氏重建改今名

張鈞衡重建咸安橋記

文見碑刻

胡家兜橋 架木三礮在十里橋內胡家兜

東長興港橋 架木五礮在簾里西

太平橋 平石凡六處一在西柵外糟三南圩西通褚家漾一



在陸家壩俗名陸家壩橋北通褚家濠道光八年重修一在

朱陽村光緒九年重建一在南柵外南社兜一在北柵外小

橋村嘉慶十五年重建一在北柵市中另詳

聖塘橋 平石三硤在西柵外朱陽村南舊為木橋光緒二十

九年改建

鎮安橋 平石三硤在西柵外楊灣東咸豐五年重建

直港巷橋 架木五硤在西柵外直港巷

順安橋 平石在楊灣

楊灣板橋 平石五硤在楊灣

順利橋 平石在西柵外運河南岸近東遷光緒十三年重建

油車板橋 石級架木五硤在江家灣南通江蔣漾

東莊港橋 石級架木五硤在東莊港東通江蔣漾

明月橋 環石在南柵近中市跨南柵市河口與清風橋南北

相對宋紹興初建後更名泰安橋乾隆間重建道光十一年

復建

便民橋 環石在南柵跨市河俗稱奠民橋本係平石乾隆四

年改建咸豐八年重建

〔紀磊便民橋義倉久已失前朝欲究遺聞總寂寥不見白

場南去路至今猶有便民橋按舊日義倉當在便民橋右

廣惠橋 環石在南柵跨市河俗稱張王廟橋同治五年修

〔紀磊廣惠橋博施濟眾古來難畧約誰將廣惠刊我願題

詩告同志莫將飢溺等閒看



興福橋 平石三拱在南柵跨市河乾隆五十年重建同治四年修光緒三年重建今為一拱兩旁登石

通利橋 平石在南柵跨市河宋嘉熙中江州參軍華文勝建俗名華家橋康熙初重修乾隆四年重建五十年重修本係三拱咸豐八年改建一拱兩旁登石

董漢策重修通利橋碑記 文見碑刻

重建通利橋碑 文見碑刻

董蠡舟潯溪棹歌新開河口路初分南下南安未夕曛  
解青絲度通利臨流醜酒醉參軍

南安橋 平石三拱在南柵跨市河咸豐五年重修同治四年又修

南新橋 石級架木五拱在南柵跨市河一作南星橋一名日

新橋俗名木橋同治四年修光緒中又修

東交界壩橋 平石在南柵市河東岸跨司前港口與西交界壩橋隔河相對道光二十年重建同治四年修

紀磊交界壩橋路分南北水西東遺址當年尙可窮行到橋邊正交界纔過一步即城中

毓秀橋 平石在南柵舊司前原名會際橋初為木梁俗稱太平木橋道光十一年改建同治五年修

董蠡舟潯溪棹歌打槳歸從薛漾西月華雨後盡沾泥  
晚晴會際湔裙去吏散官衙花覆隄

義倉橋 石級架木有屋在南柵義倉前光緒三十三年建



定心橋 平石在南柵市河東岸上建三元閣橋極低小與街道平或云此地當一鎮之中故名

花園橋 石級架木在南柵花園街後同治五年修光緒三十四年又修

鳳凰橋 平石在南柵市河東岸道光二十四年重建同治四年修

土地廟橋 平石在南柵嘉應廟西南俗名毛家橋同治四年修

廣勝橋 平石在南柵嘉應廟東南報國寺後俗名王家橋同治五年修

南林橋 環石在南柵報國寺前一名報國寺橋俗名畔君橋

汪志按俗謂匿為畔相傳宋高宗嘗匿于此故名附會無據

曲江橋 石級架木在南柵孫家壩一名朝真橋俗名孫家壩橋同治七年修

萬緣橋 環石在孫家壩原名八卦橋光緒五年重建

秦庵橋 石級架木在孫家壩內

醋坊橋 環石在南柵市河東岸跨竹園港口因宋時官醋坊故址得名今作楚芳橋光緒二年重建

太君橋 平石在南柵太君堂前

師古橋 平石在南柵醋坊橋東同治八年修

虹映橋 平石在南柵市河東岸跨虹映兜口今名虹陽橋俗名黃楊橋同治五年修



西交界壩橋 平石在南柵市河西岸跨城壕口道光二十年  
重建同治四年修

白鵬橋 石級架木在南柵白鵬兜內同治七年修

〔紀磊白鵬橋〕白鵬兜上好樓臺曾閱滄桑幾姓來惟有橋  
邊一溪水春來依舊綠潌洄

夢華橋 架木在南柵市河西岸跨秤錘潭口同治七年修十  
三年重修宣統三年又修

鷓鴣橋 架木有屋在南柵市河西岸跨新開河口同治五年  
修光緒十五年重修

蔣家橋 環石在南柵市河西岸跨鷓鴣溪口與鳳凰橋隔河  
相對今名補船橋咸豐九年重建同治五年修

〔紀磊溇溪雜詠〕蔣家橋雁齒依然舊日斜不知何事補船  
加行人未解更名故仍自將橋屬蔣家

萬古橋 平石在南柵西華家街後萬古庵前同治五年重建  
斜橋 石級架木三礮在補船村通簾里宣統三年重修

姚石由豐草庵渡斜橋過長生寺訪友流水遶南村村荒  
蔭枯木斜橋落古藤破寺圍修竹一徑入深松之子在空  
谷徘徊不知還林鳥已棲宿

平橋 平石在簾里咸豐元年重建  
朱家板橋 石級架木三礮在簾里

〔明董說板橋〕燕尾鳴溇急龍鱗駕壑時津梁復何恨刀鋸  
不能辭枯槁溪樵狎艱危白石知微茫辨人跡霜壓柳絲



垂

〔又板橋得句〕碎雲著月裂秋殼老鯉嚼花吹斷霞櫓聲伊  
軋雁飛處人影倒垂橋齒斜

〔又板橋〕舍南舍北答簷汎春雨春煙鷓鴣飛殘黃閃閃落  
未落皺綠溶溶歸不歸

談家橋 石級架木五拱在簾里談家灣

石橋 平石在簾里桂家埭西光緒二十六年重建

義塚橋 石級架木五拱在簾里義塚前同治九年重建

北水港橋 架木五拱在簾里東南

桂家橋 石級架木三拱在簾里桂家埭

蘇靈橋 平石三拱一作蘇魯橋舊名豐登橋在南柵市河西

岸總管堂南道光十七年重修

洞竇橋 平石在南柵外獨樹灣一名塘濱橋嘉慶十三年重  
建

麻涇橋 石級架木鋪石在南柵外塘濱灣

道心橋 平石三拱在南柵外曹灣乾隆五年俞錦山兄弟三  
人建

小圩港橋 石級架木三拱在南柵外小圩港

萬安橋 平石三拱在小圩港

許山橋 平石三拱在南柵外徐家港道光十七年重建

百老橋 平石三拱在南柵市河東岸舊名白鸞橋嘉慶四年  
重建光緒二年復建



渡船橋 架木三礮在南柵外渡船港

尤家橋 石級架木三礮在南柵外尤家港光緒十二年重建

許家橋 平石三礮在南柵外簡五塘許家兜口

高基橋 平石三礮在簡五塘高基兜口一名皋橋道光二十

二年重建

閔南仲冬日賃春皋橋芝筠先生見過廣廈初蒙庇仙舟

更枉尋斜陽如挾續流水似彈琴羸馬千金價孤鴻萬里

音家鄉安處是不作越人吟

紀磊過皋橋有懷閔湘人先生 本名高基橋因董芝筠先生館先生於此故遂名皋

橋 在昔有高士曾聞此客居門前車轍遠戶內爨煙虛自得林泉趣誰知封禪書賃春千古誼經過一躊躇

豆腐橋 有二一為平石在簡五塘豆腐兜口亦名鬪富橋明

釋祿宏曾住此三年 汪志按南柵外有蓮池兜在康王寺橋南相傳蓮池大師所居至今沈氏聚族

于此攷祿宏本仁和諸生非薄人蓋因曾住豆腐橋而附會也 一為石級架木砌磚三礮在

南柵外王家港通池亭漾

紀磊豆腐橋欲將影事問前朝日日來尋豆腐橋目斷蓮

池兜畔水不知何處有詩瓢

豐橋 平石三礮在簡五塘草蕩漾口同治九年重建

新木橋 石級架木三礮在草蕩漾北牒三圩同治中重修

草蕩漾橋 石級架木五礮在漾南簡五圩

小橋 石級架木在腳爪兜口

羅漢壩橋 石級架木五礮在南柵外羅漢壩同治十一年修



直港匯橋

石級架木五拱在南柵外直港匯

式里港橋

石級架木五拱在南柵外式里港

仰止橋

石級架木三拱在南柵外俗名硬漲橋光緒元年重

建

康王寺橋

平石三拱在南柵外褒能寺前明萬曆丁未湖州

府郡尊陳筠塘烏程縣邑侯陳端瀛捐俸重建乾隆庚子東

石橋蔣永嘉藏穀橋王儀二人重建同治九年修光緒中重

修

袁士達康王橋晚泊偶占夕陽晚晚翳迴塘偶繫扁舟古

寺旁憶昔宸遊曾駐蹕溪橋猶自記康王

董攀龍潯溪竹枝詞傳聞泥馬事荒唐古廟平橋水一方

光武中興重耳在翻沿舊號說康王

亭子橋

石級架木五拱在簡五塘東岸北長興港

朱家板橋

有二一為石級架木五拱在南柵外瀏盆漾北一

為石級架木在南柵外杜家港

孟長兜橋

石級架木三拱在南柵外孟長兜

西木橋

石級架木五拱在南柵外硯池兜南光緒三十一年

重建

施家板橋

石級架木五拱在南柵外

石灰橋

石級架木三拱在南柵外顧五圩南延壽庵西

泥壩橋

架木三拱在南柵外泥壩頭

福丁橋

環石在南柵外丁家港俗名丁家橋同治七年重建



樂嘉橋 環石在南柵外白雲庵前

東石橋 平石三拱在南柵外南蔣港光緒三十三年重建

西石橋 平石三拱在東石橋西光緒三十三年重建

石橋 平石在南蔣港後

南興橋 平石三拱在南柵外南橋港俗名南橋光緒十八年

重建

博成橋 平石五拱在南柵外穿珠灣北同治十年重建

開濟橋 平石五拱在南柵外七里村北俗名北塘橋亦稱七

里塘橋同治十三年重建

永濟橋 平石五拱在開濟橋南俗名西塘橋同治五年重建

溥濟橋 平石三拱在南柵外西輯里村同治六年重建

分龍橋 平石三拱在東輯里村光緒八年重建

蘇魯橋 石級架木砌磚三拱在南柵外藏穀橋西北

藏穀橋 平石三拱在淤溪道光二十年重建

宏興橋 平石三拱俗名夜叉橋在南柵外骸一圩

姚灘橋 石級架木三拱在南柵外焦辣村

官房兜橋 架木在南柵外官房兜口

清風橋 環石在北柵近中市跨北柵市河口宋紹興初建

乾隆五十年重建咸豐五年修同治四年又修

姚景熹月夜夢坐清風橋得句醒而足成之吟魂驚破五

更鐘耿耿寒燈挂碧空欲向枕邊尋斷夢半橋殘月落清

風



凌震送劉西安至南潯夜泊清風橋下聯句維舟乘月上

河梁劉人語喧囂夜未央燈火隔川相映照震樓臺隱霧

半微茫紫貂風急吟魂細劉白雁天高別恨長萬里遠行

從此始震殷勤何異浣花傍劉

太平橋 石級架木在北柵跨市河康熙初重建橋之東塊出

入一狹街行人深為不便嘉慶二十四年里中釀公資買橋

下屋宇一間拆卸改為公路闊一丈一尺五寸兩旁立石界

同治四年修光緒二十五年重建

金之後募造二橋疏浮圖之說非儒者所尚也至募緣僧

尼沿門托鉢飾苦行以惑眾借佛面以刮金則尤佛法中

可鄙者也雖然儒之闢釋不過以其崇尚虛無毫無利於

民生物用與儒者之窮約而存心立達榮膺而顯用施濟

不啻霄壤爾若夫水鄉之橋梁猶之陸地之車馬實王政

中濟民利物一端也自潯水西至茗城係往來通衢運道

攸關沿塘七十餘里為橋不下數十處凡以維斷通闕一

處圯壞咫尺關河乃潯西之三里六里九里三橋一時並

圯絳卒裹足行人怨嗟甚且霜凝雨滑慘墜數命余往來

其間未見有存心立達顯用施濟者為之倡議整葺如拯

溺救焚然豈以徒枉輿梁無關王政之一端乎嗣見向之

裹足者信足而疾馳向之怨嗟者嘖嘖讚歎有歡喜色則

三橋已煥若飛虹坦若康莊矣余異而詢之里人誰其為

此則曰有一比邱尼募造而成噫此固崇尚虛無之流也



而反肯爲此濟民利物之事乎且聞其募不强施費不沾手經費有節程材估料井井有畫旬月之間三橋成若役鬼驅神余不覺感歎久之曰比邱尼持一緣冊來索余言應門拒之尼曰我非假名募緣惑眾者比潯西三橋成之者卽我也比入見則蚩然一老婆羅而胸中頗明了矢願更廣將復舉潯北之北迴橋太平橋一時並葺之此二橋爲居民作息必經之要路求濟者殆有甚焉擬卽日鳩工誓猶三橋之成余固日擊其有成效而許之一言以贊助之嗟乎彼服儒服冠儒冠而不以利物濟人存諸其心顯諸其用孜孜焉惟日不足者其視此尼爲何如哉然余終不敢謂濟人利物者不出于公卿士人而反有遜于尼

也則斯二橋之成也雖爲費不貲亦可以刻日竣矣

聚福橋 石級架木在北柵跨市河舊名永濟橋俗名鹽店橋

同治四年修光緒十年重建

柵椿橋 石級架木在北柵跨市河舊名馮公橋一名萬善橋一名北關橋同治四年修

北新橋 石級架木在北柵跨市河同治四年修

董恂潯溪棹歌小市千家聚水濱輕舟日日往來頻橋從柵口分南北南盡南北北新

天帶橋 石級架木在北柵市河東岸跨後河口今更名天福橋乾隆五十年重建咸豐六年修同治四年又修

藕湖橋 架木三拱在北柵跨後河今名淨波橋宣統三年重



修

官房橋 石級架木在北柵栲佬灣跨後河一名西暖橋前即

官房街久廢汪志按范志又有東暖橋係質庫中架木以  
通往來者故俗名當橋近年已撤去今不載

蓮界橋 石級架木在北柵北十字港東跨百間樓港口舊名

穀穀橋一作翦穀橋亦作聯界橋一作聯解橋俗稱阮家橋

明建雍正三年重修乾隆十六年復修嘉慶四年又修同治

四年又修光緒十三年重建

張文光重修聯界橋徵信錄小引茲橋建自明季以迄于

今其間或修或補光生也晚弗克記迨雍正三年間坍塌

難行里中集同志十家得二十金聊為修補先君與焉今

年六月初三日忽崩其南塊水陸阻者兩日同里好善諸

君子思為永遠計復集二十六家仿前法各捐金二兩棄

其舊而新是謀即于十二日起工不費日而告竣嗟乎人

心之不可解也久矣凡遇遊戲宴佚賽會迎神往往不吝

費甚且惑于因果佈施僧道爭捐金數千而不惜至於補

路修橋利益萬人為眼前實際每赤面澀聲較量錙銖焉

迺吾里之建此橋也不謀而合匝月而成踴躍輸將若惟

恐他人之我先何吾里之多善人也光得強勉附驥誠哉

幸矣因列敘捐金姓氏并工費若干于後俾百年後久而

思新者得所仿焉茲橋雖細事芳名庶幾其長留歟乾隆

十六年八月十九日張文光謹筆

張徵募重修聯界橋啟節錄本圩聯界橋當南北之衝為舟



楫之會層基漸圯拾級堪虞昔雖屢葺其板梁今擬更新  
其石螿嘉慶四年正月

圓通橋 平石在北柵市河西岸跨唐家兜口舊名風月橋一  
名眾安橋向係石梁乾隆間圯重建改為木梁道光中復改  
石梁同治四年修

新木橋 石級架木三礮在北柵管三圩同治中建  
又新橋 石級架木三礮在新木橋西宣統三年建

潯溪橋 架木三礮在北柵市河西岸跨潯溪河口同治十年  
修

小木橋 架木三礮在潯溪橋西  
彩虹橋 平石在北柵姚家灘東一作彩五橋有華氏曉山園

遺址

南車駕橋 石級架木三礮在北柵外古澗港西岸同治八年  
重建

北車駕橋 平石三礮在北柵外古澗港西岸同治十三年重  
建

莫家灣橋 石級架木三礮在北柵外

青龍橋 平石在北柵外李家河同治十二年重建

李家河橋 石級架木三礮在北柵外李家河一名廟橋

北壩橋 石級架木在北柵外北壩

下壩橋 石級架木三礮在北柵外下壩一名梅家橋同治五  
年修



箬帽橋 架木三礮在下壩北同治八年重建

酒坊橋 架木三礮在北柵外斜河疑是宋時官設酒坊處

樓下橋 平石在北柵外樓下亦稱新橋一作留下橋

斜河橋 架木三礮在北柵外北斜河

拜四南橋 石級架木三礮在北柵外拜四圩

拜五橋 石級架木三礮在北柵外拜五圩

南橋 架木三礮在北柵外拜三圩

北橋 架木三礮在南橋北

北迴橋 環石三礮在北柵外三里跨古澗港一作北匯橋亦

作北涓橋亦作北會橋一名雲輿橋明嘉靖中建乾隆九年

重建光緒十八年復建

茅星來北迴橋碑記

文見碑刻

福星橋 平石在北柵外古澗港東岸光緒二年重建

南半橋 架木三礮在北柵外善莊港

更落橋 架木三礮在北柵外善莊港

眾安橋 有二其一為平石在北柵外苧葉灘光緒三十二年

徐明芳建一為環石在西柵外三里橋北

姚田木橋 共六處南北四東西二均架木三礮無名



南潯志卷七終

南潯志卷八

里人周慶雲纂

古蹟

南潯城 元至正十六年張士誠所築汪志按舊志及府縣志並作十三年與碑記丙

申不合 二十一年七月重修明洪武二年十月拆磚石修築

蘇州城基址尙存約週三里今東西二柵皆有弔橋又有城

隍上之稱猶可想像規制亦稱太尉城按咸豐庚辛之間粵匪據鎮在東柵弔橋

沿河繞洗粉兜築土城又馬家港橋下連石鋪又栲栳灣一帶亦皆有土城同治三年肅清後經保衛局拆去

元無名氏南潯重修城記文見碑刻 汪志按據此碑城始築于元代無疑華氏傳芳錄

謂宋時卽有城舊志附著其說實無確證後人有宋時嘗設鄆縣之警說蓋基于此攷宋時鎮市皆在運河之南故祇園寺莊田記謂寺在潯北嘉應廟救牒謂廟在中趙子昂道出運河而蘭亭跋云至南潯北是元初猶然迨築



城以扼通河孔道於是市井漸移而北遂以通津橋為中市迄今四柵惟南市最長亦其明證而宋時有城之妄不攻自破矣

曹仁虎潯溪竹枝詞張王城廢有空壕折戟沙中浪暗淘惆悵夜烏啼不住女牆基畔月輪高

范錯潯溪紀事詩春明走馬向城壕可是三興土築牢憑弔淮張遺故址夕陽曾映女牆高

董蠡舟潯溪棹歌監鎮無官驛舍傾女牆誰聽夜烏聲詩人沽酒停舟問一笑來尋太尉城南潯城為張士誠降元後所築故人稱太尉城

三興輦土事相同想像金湯百雉雄好片城壕調馬地阿誰玉埒走花驄南柵有地名城壕上亦曰城隍百隊

戈船派急龍當年王勝此生降不留折戟供憑弔衰柳殘

蘆咽暮江王勝為張士誠守南潯至正丙午明兵至勝以城降見王文恪姑蘇志

汪志按潯溪文獻沿革古蹟並首載南潯國引王嘉拾遺記南潯之國有洞穴陰源其下通地脈中有毛龍毛魚時蛻骨於曠澤之中魚龍同穴而處其國獻毛龍于上置象龍之官至夏象龍不絕因以命族至禹導川乘此龍及四海會同乃放於洛汭并引郡國志及山海經太湖包山禹藏素書及不死方于此與洞庭君山石穴潛通以證陰源地脈又引吳江縣志及史鑑龍墳志蠡澤湖為大禹治水斬黑龍處永樂間大獲龍骨以證毛龍蛻骨且援湧幢小品所云大橋巨蛇指為毛龍之耳孫荒渺附會張志沿革不載南潯國是矣而古蹟仍載之董志復增入沿革范志始盡削不載最為有識

聚星塔 在東藏寺內明董份建浮圖功成大半格於形家言

不為合尖俗稱無頭塔亦稱半塔康熙中裔孫董漢策改造

為三層閣易名聚星閣一名聚奎閣道光十九年重建改名

聚星塔光緒十二年燬於火僅留下層按汪志入寺廟



沈登瀛重修聚星塔記文見碑刻

明董說南潯半塔終古只一半孤高傲五湖混茫連積霧

耿介截虛無天地留長恨雲霄限壯圖憑誰搖賦筆收拾

上吳都

曹仁虎潯溪竹枝詞禮佛禪堂趁早秋蓮花座畔炷香留

生憎殿角浮圖影一半亭亭不到頭

董載昌潯溪竹枝詞東藏禪寺古招提月上休嫌塔影低

何必浮圖高七級初梳得上亦雲梯

范鐸潯溪紀事詩傑閣風鈴響碧簷晨鐘夕唄戒精嚴菩

提樹下人遊憩其帳浮圖不合尖董恂潯溪棹歌樹陰濃綠接天浮圖倒影墨溪邊阿儂

願把恒河力塔級重添萬四千

荻塘 今名東塘自湖州府城東至震澤縣平望鎮凡袤一百

二十五里即運河隄岸也為西來諸水之障且通往來晉太

守殷康所開旁溉田千頃在城者謂之橫塘城外謂之荻塘

以地多蘆荻故名後太守沈嘉重開改名吳興塘唐開元中

烏程令嚴謀道重開荻塘汪志按謀道一作謀達廣德中刺史盧幼平

增修貞元時刺史于頔重築又曰頔塘汪志按震澤鎮志作貞觀中誤元和

中刺史孫儲增修明萬曆戊子己丑間知縣楊應聘修築三

十六年知府陳幼學發以青石尤為堅固今在鎮中者市廛

叢簇夾岸駢闐 本朝順治十二年修築道光十二年重築

運河石塘光緒中重修汪志按文獻云吳江縣志云自平望鎮西行至烏程南潯鎮曰荻塘一日



荻當作頓以塘築於于頓故名而俞睦詩曰當年于頓刺湖  
 州曾築長隄捍逆流兩岸曉風楊柳直王孫得意騁驪駒按  
 平望在唐當屬湖州頓作刺史時尚未分隸吾吳也然則自  
 潯西抵縣城馳道七十里皆為頓塘吳江志祇自敘其一邑  
 故抵界止耳又按烏程縣志縣南一里亦曰荻塘太守殷康  
 開兩岸多荻草今自縣東門外絕潯水名曰東塘朱文肅公  
 有記祇園寺碑亦曰雪城之東有塘曰荻的為明據攷文獻  
 此條稱吾吳必是潯志原文辨析精允蓋歸安縣南之橫塘  
 烏程縣東之東塘震澤縣西南之西塘皆古之荻塘分隸三  
 縣在唐時並為程地也太平寰宇記荻塘在州南一里一百  
 步吳興記云晉太守殷康所開旁溉田千頃楊備隋錄云烏  
 程沈恒居荻塘家貧好學每燒荻自照因名塘西引雪溪東  
 達平望官河北入松江其云在州南一里一百步指塘首而  
 言去州治最近處也其云東達平望官河指塘尾而言去州  
 治最遠處也其云溉田千頃則統塘之全勢計之也後人或  
 專指震澤之西塘為荻塘或專指歸安之橫塘為荻塘其說  
 皆偏而不備不若寰宇記數語最為詳晰又山謙之吳興記  
 謂吳興塘即荻塘此與唐刺史崔元亮所開吳興塘在府城  
 東二十三里屬今歸安界者名同實異蓋唐時仍名荻塘而  
 吳興塘之名漸泯故元亮別開吳興塘不復以同名為嫌觀  
 開元重開貞元再築  
 皆祇稱荻塘可見

明朱國禎修東塘記水之利害界以塘發以石太復先生  
 及余各有記然此特百一耳中間支派曲折至多最鉅者  
 東塘自東門盡潯水凡七十里履畝而隄漕道出焉管一  
 州六邑之口而外郡入者如汲故潯雖鎮一都會也自潯  
 而上雖名塘實馳道也內護田護疑廬千萬歲戊申大水  
 襄數尺潰下如之風衝波激行旅踐踏篙櫓攢排存者無  
 幾太守陳公痛之於是請所司修東塘要歸以興作兼賑  
 濟仍紀錄以獎分任立石以垂永久費凡一千五百餘金  
 先是公秩滿將遷夢有神告曰徐之活十數萬人乃去心  
 異之既加銜視事兩作按兩疑歎曰嘻身當之矣涕泣焦  
 思錙銖積累必以情幽隱搜剔必麗法勸市勸積先勞無



倦餘皇之粟旬日而帆上者千兩淮之稻爲空五湖之廩俱滿民不知災道無浮歿次年大豐斗米六算蓋公之節目極多而修塘其一也塘成父老列三德五制以頌曰傭工曰保障曰利涉我知之矣曰測水加高內土帖岸暗溝淺水祇築防損移沙濾淖我又知之矣乃若公之大造我湖在於土石筋力之外父老未之悉也夫國以禮爲防防民之潰甚于防川湖俗梟悍其窺關弄機浸淫蠹食則塘之蟻穴也犯上扞文六卉欲潰禮按六卉疑奔字誤分則塘之撞竿也豪私族據焰尾腥脣則塘之鱷淵也公閱斯勤斯忘寢與食要以正紀綱別善敗爲急窒其穴折其竿闔其淵用固吾圉而施之德澤卽有時動發終不勝其窒與折與闔

之力夫然後田疇可殖子弟可教駸駸風移俗易而偕之大道竊笑我湖自莊襄公後及泉李公至而人始知官府自我公至而人始知朝廷與聖賢之學則其爲防者峻而極之至於旱乾水溢之無恙也人第知七十里屹如互如以爲公之大而不知特一節之驗又第知一舉兩利成百年之功活億萬人之命以爲公之得天告成事而不知苦心竭力除其錮疾飲以太和幾捐身以障東流而不忍妄用湖之一錢一粒則固可對天地質鬼神也禎蠶人也北行時歲事正急認賑百石歸而自免重爲諸父老羞今又以不文之辭記人情往往私其果實獻其皮毛爲不信視朱生則忻然笑曰惟其有之是以似之公諱幼學號筠塘



錫山人

汪志按此文雖刻石而在府城東門外不在南漳故不入碑刻仍據劉沂春縣志錄全文于此縣志刊本多脫誤宋文肅公集此篇適在缺卷中惜不得拓本一校之

張鑑重修東塘碑記

文見碑刻

唐盧綸奉同顏真卿送李侍御萼賦得荻塘路雲鱗鱗滿

河瀆疊處淺旋處深撒波寒魚上復沈羣鷺鼓舞揚清音

主人有客簪白筆玉壺貯此光如一持此贈君君飲之聖

主識君冰玉姿

汪志按舊志及府縣志並不載此詩攷全唐詩綸詩凡五卷亦無此詩且詩語與荻塘路題意不甚合徐獻忠吳興掌故集載之疑有舛謬姑錄以俟攷

唐釋清晝奉同顏使君真卿送李侍御萼賦得荻塘路落

日車遙遙客心在歸路細草暗回塘春泉縈古渡遺蹤歎

蕪沒遠道悲去住寂寞荻花空行人別無數

按范志載此詩誤為顏魯

公作

又與李司直令從荻塘聯句一首畫舸悠悠荻塘路真僧

與我相隨去寒花似菊不知名霜葉如楓是何樹

令倦客經秋夜共歸情多語盡明相顧遙城候騎來仍少傍嶺哀

猿發無數

晝心閒清淨得禪寂興逸縱橫問章句蟲聲切

切草間悲螢影紛紛月前度

令撩亂雲峰好賦詩嬋娟水

月堪爲喻與君出處本不同從此還依舊山住

晝宋沈與求舟過荻塘野航春入荻芽塘遠意相傳接渺茫

落日一篙桃葉浪薰風十里藕花香河迴遽失青山曲菱

老難容碧草芳村北村南歌自答懸知歲事到金穰

宋孫銳荻塘柳影日出烟銷春晝遲柳條無力萬絲垂韶



百濟志 卷八  
光新染鷺黃色偏愛東風款款吹

曹仁虎潯溪竹枝詞菰城東下鏡光遙迤邐長隄泊畫橈  
水閣千家簾影接荻塘無復荻蕭蕭

方燾荻塘舟次一水斜陽晚寒塘繫短艇地荒栖鳥冷楓  
老受霜多烟外明漁火風前聽榜歌孤懷愁不寐數間夜  
如何

分水墩 在東柵外運河中流爲江浙分壤處故名一名轉水  
墩相傳元人所創以東去水明董份建龍王廟後改爲文昌  
閣又北柵外古瀟港中流有北分水墩又南柵外獨騎壩口  
有分水墩同治中東隸蔣某填築

爨虬綠登分水墩偶題爽氣西來流向東翬飛鵠峙矗空

濛千尋碧鬢連溪綠一道晴波落照紅紺寺烟浮通越嶠  
津亭帆峭指吳宮與誰沽酒憑高望快挹雌雄面面風

方熊題分水墩潯水中分江浙流凌虛縹緲矗飛樓三吳  
雲物連波捲百里風烟空影留欄檻重開新面目湖山仍  
照舊春秋年來小劫頻興廢眼底滄桑總冒愁

方燾題分水墩和陳鶴野韻不負殷繁地危樓亦效靈市  
梢當水濶烟際插空青震澤流歸海西山爽拍庭長思人  
代杳幾得對滄溟

董駿泛月登潯東分水閣蓬萊何必去東瀛三瀨灣前傑  
閣撐朱棋霏微流玉液遙聞天半步虛聲

紀汝霖次韻分水墩遠眺傑閣凌虛景物收數聲漁笛足



清幽兩眉遠隔具區澤一水中分苔雪流俯仰忽成今日  
感澄空真覺此身浮回頭極樂無多地彼岸還憑一葉舟

范錯潯溪紀事詩清明時節正春酣六柱吳船蕩碧潭分

水墩前試春望斷腸門外是江南研北居瑣錄自郡城東

北約五里支港多而紆曲東西約三里餘苔水自西來至

通津橋一大折東流直下並無關鍵分水墩閣之建原以

培風水也前明中葉科第極盛有九里三閣老十里兩尚

書之諺閣老謂馬要沈氏七里温氏潯之朱氏尚書乃董

氏與馬要沈氏也當蠶絲入市客商雲集四民各習其業

彬彬然一大鎮會矣國初以來顯達不多然余或踞月

街衢書聲與機杼往往夜分相續豈因風水之不培植歟

術者云分水墩兩岸得建兩塔以鎮水口為妙此非大有

力者不能也汪志按風水之說本難深信然即以風水

論柵口建塔恐亦非宜昔董潯陽建東藏塔不敢合尖以

塔影太高瀉入去水也後來重建仍止三層不敢加至五

層亦以此故倘建諸柵口不更甚于東藏之塔乎慮後人

誤惑是說將糜財力于無用之地故詳錄而辯之

董蠡舟潯溪棹歌飛樓縹緲麗朝暎兩界分流限此墩遙

指荻塘帆轉處疎林薄靄隱曹村分水墩舊有龍王廟今

臨流卽此荻塘帆影亦十景之一曹村在鎮東三里震澤縣境

邢典分水墩南阻茗溪水旁通笠澤船一登高閣望江浙

正毗連

又登分水墩閣上傑閣登臨眼界開水光山色淨無埃一

灣綠到鶯湖去兩點青浮笠澤來鳥帶晨曦穿北牖帆拖

夕照過平臺憑虛頓覺超城市傾得烏程酒滿杯

茅屋墩 在南柵外划船漾中明董份讀書處

明董說茅屋墩圍潭最得蒹葭意四五里推茅屋墩更無

橋板水中接指點鳥寒飛過村放眼樓嫌三面閉半枯松

南漳志 卷八 古蹟



說六朝根經箱扇面題牆字春雨茫茫暗墨痕庵有先翠

并白華樓前  
輩諸翁遺墨

張鑑茅屋墩古寺出中流烟雲一望收似聞深竹裏舊有讀書樓水鳥唳高樹藤花妥晚秋昔人不可見悵悵棹歸舟

紀磊過茅屋墩數間茅屋水中居曾憶幽人此讀書今日閒雲自來往更無鷗鷺繞空墟

煤山 在北柵煤灰所積高數丈潯地無山故強以山名俗稱煤矢灘光緒季年已夷為平地矣

万熊潯溪竹枝詞堆塚年年疊作巒登高步月共躋攀可堪空阜稀雲樹六里南林只假山

張鑑潯溪棹歌涼露娟娟一半秋木犀花發月當樓隔窗喚起吹簫侶曾到煤山頂上頭增易南潯十景有煤山望月

紀磊詠煤山茗水東來絕少山一坏積土足怡顏會須更與添松竹好待閒雲日往還

張文元南潯竹枝詞潯溪雖好惜無山南北東西水一彎幸有積煤千萬斛却教平地湧螺鬟

卧塔 一名水塔在北柵外北新橋北西岸水際自南至北有七池縱廣各數丈迤北漸小約長里許形若浮圖七級故名明董氏用形家言傍岸開築以塞水口者

汪志按卧塔或稱眠塔在嘗三北圩直北稽三圩之西依蕩則辦糧攷各圩之名定于宋代兩圩之間必有溝渠間隔而一圩之地必相連屬後世陵谷變遷懼一嘗三箋一等圩各分為三並應連而斷棟四圩與懼一北



圩則應斷而連嘗推究其故一由元代築城環城濬濠  
一由明代宦家造墓構屋輒拘形家言紛紛遷改如懼  
一北圩與中圩中隔百間樓港嘗三中圩與南圩中隔  
西木行港與中圩中隔後河則以董氏宗伯第後  
也懼一南圩與中圩中隔後河則以董氏宗伯第後  
也箋一南圩與中圩中隔後河則以董氏宗伯第後  
閣也嘗三北圩與中圩中隔後河則以董氏宗伯第後  
朱三家祖墓其北又有吳氏陸氏董氏諸墓也棟四懼  
一分界溝渠亦必董氏造石人墳時塞之也北柵外桂  
花墳之北隔水有小拜二圩與大拜二圩中隔小港亦  
董氏所鑿又東柵之倉潭南柵之新開河並以董氏住  
宅而開此與西塔創于董氏故老皆能言之若懼箋等  
圩分合之故則無復知之者今以形勢  
測之如此而他圩之分合皆可類推矣

范莊 在馬家港懼字二圩相傳范蠡種竹養魚處有水一泓

曰范莊池近朱文肅公宅後圩之南又有范莊灣按鎮東南

三里許曰陶墩以陶朱公名村也又數里曰蠡澤而震澤西

偏有橋曰思范豈鴟夷子皮往來此間獨久耶汪志按范蠡舊居當出明

人附會故舊志亦作疑詞今姑從舊志錄之

張隽范莊老梅一樹覆寒塘亂石堆危壓槿牆丞相亭臺

傾圮盡更無人指范公莊

孫瑛范莊留題范公遺蹟舊池塘隔竹人家尚有牆清絕

水邊梅一樹不教冷落此村莊

姚石遊范莊披榛入竹到溪莊深草芊芊鶴徑荒小犬吠

人依竹援歸鳥帶水上漁梁香疎豆架花成莢樹老秋園

葉半黃終日徘徊幽意愜把茅何計得連牆

邢典南林雜詠范莊少伯功成後飄然去海濱范莊如黑

子留與墨溪人

拜三莊 在北柵外明董份館李樂于此汪志按莊西即董氏桂花墳



牒四莊 在南柵外董漢策館閔南仲于南港卽此

槍樓 在北柵柵樁橋畔有小樓獨高乃明季里紳董氏所築

登樓施放鳥銃以禦湖盜赤腳張三者

張丹山潯溪棹歌禦災捍患借前籌文武才名第一流烟

火萬家資保障柵樁橋畔有槍樓

南潯志卷八終

南潯志卷九

里人周慶雲纂

宅第一

小瀛洲 在西柵朱陽村元褚壽之所居

楊維楨小瀛洲記吳興褚壽之之居有水木花石之勝名其堂曰小瀛洲壽之宴予堂上以記請非徒以山川風俗似瀛洲也以其先出瀛洲學士亮亮之子遂良居杭其後有徙湖之南潯朱陽莊者遂爲湖州人詩禮傳家壽之伯仲皆有仕才而不仕其學而仕而都清高之地以繼登瀛之榮號者不在諸子乎

秋卿第 在西柵紀家壩明刑部員外郎紀濂所居

南潯志

宅第一

宅第一



大宗伯第 在東柵大街明禮部尚書董份所居至咸豐時燬於兵燹光緒中始易他姓

蔣錫綸潯溪竹枝詞尚書門第太凋零綽楔空餘草色青

閒話興亡增感慨幾人茶敘董家廳董家廳址改為茶室是感也按董氏至

道咸時已衰落其宅中大開博場負者死於後園池中者有之庚辛之間全宅灰燼同治時支蓋平房曾開茶肆至

光緒中則屬金邢二氏矣

少師第 一在東柵馬家港明少師朱國禎所居一在輯里村

明少師溫體仁所居

董載昌潯溪竹枝詞滿園桑柘十分青中有前朝閣老廳

一帶沙隄誰省識寒烟漠漠雨冥冥

范鐸潯溪紀事詩揭議均田法最良至今父老話難忘淒

涼月落秋林外蔓草寒烟相國莊

水部第 在東柵洗粉兜明工部郎中華士嶠所居

京兆第 在南柵絲行埭府尹張鳴鈞所居

九老第 在東柵大街工部侍郎范璨致仕歸所居欽賜香山

九老匾故名

太史第 在西柵泰安橋西編修夏開衡所居汪志按道光一時燬於火

在南柵泰安橋堍編修張楨所居

大夫第 在南柵知州徐德元所居

進士第 一在城壕上進士殷維藩所居一在南柵進士陸士

渭所居一在西柵進士陸嵩高所居一亦在西柵進士溫鶴

立所居一在馬家港進士溫文禾所居以上俱廢一在東柵進士



龐公照所居一在馬家港進士朱寶書所居一在南柵進士  
劉錦藻所居

紀白雲故居 在西柵鳳凰池上紀遠所居

紀遠古樹賦序并余久寓囂塵丁丑重陽前二日移居垂虹  
橋之南有古樹在焉因倚樹結屋并為賦之其辭曰嗟乎  
哉輪囷天矯而不可方物者非此樹也耶乍見之而情移  
久親之而心悅鬱然其貌兀然其節人以爲庭中之奇吾  
以爲世外之傑皎如臨風潔如坐雪晝接之而綠陰生夜  
聽之而雲濤裂若乃腹之虛也是其能容枝之曲也所以  
爲直曾於子山賦裏見亦在摩詰畫中識夫其寄身薄俗  
混迹塵市而所以得全其天者其斯臃腫而不中繩墨也

耶

又古樹蚪枝偃蹇未爲除傲兀臨軒野客家風起乍疑吹  
驟雨日斜渾欲集歸鴉祇堪一室盤盤影不鬪三春艷艷  
花與爾相依俱避世吾生何必羨無涯

紀官老樹

子深叔  
新居

市烟盡處屋三間老樹扶疎弓樣彎恰  
蓋茅簷風颯颯偏留菜圃雨斑斑半庭清影供佳客滿壁  
濃陰當好山始覺連林未爲異平生特立似相關

又過舊宅有懷風霜飽飫得支撐六十年前此聚生自拔  
紅塵遮半壁誰承青鏤架三楹研田未闢畦田窄眉宇將  
開屋宇清垂老還思江海上晏安惟恐墮家聲

刑典里居有感蠹簡悲香谷

國初明義庵僧  
有香谷集已軼

荒居弔白

南齊志 卷九 宅第一



雲紀遠號白雲有遺稿一卷已刻先生故居在眼前方百鳳凰池畔余幼時曾過之今為孫氏後園步流水自泐泐

金梅詠紀子深宅邊古樹槎枒老樹華門邊曳杖行吟意灑然黛色蔽天三伏暑綠陰滿地一聲蟬養成樑棟須干尺植立蓬蒿定百年世眼只知紅艷好肯將臃腫鬪嬋娟童童車蓋覆檐端偃蹇虬龍此屈盤枝似古藤垂絕壁聲疑幽澗落哀湍霜皮溜雨苔痕溼風葉捎雲日影團莫怪先生常憩息由來詩境喜荒寒

釋秉融和金次調詠紀子深業師宅邊古樹古態橫生不一端詎驚花果薦杯盤半天露重聲如雨五夜風高響似湍莫謂無情真落落孰知借蔭亦團團直疑何事千年秀

霜雪盟心總耐寒

紀廷輝老樹樹老根彌固枝枯節愈堅大風吹不折鐵骨傲人間

姚亦山故居 在洪濟橋畔姚石所居

董扶搖故居 在百間樓醬園街內董浩所居

刑典南林雜詠雞腸街屈曲雞腸街相尋過板橋百間樓似昔日斷董扶搖

陳補亭故居 陳可升所居今無攷

陳可升返故宅言歸我素志喜是先人廬庭漸蒔新卉樓仍疊舊書曉晴鶯喚近晝靜客來疎既得長閒適蕭然實晏如汪志按半畝間為可升之祖所居此言先人廬當是其父所居可升祖為隱士父亦詩人惜名字並無攷



南齊志 卷九

吳晚青故居 在北柵姚家匯乾隆初吳江吳山秀寓居

吳山秀戲作吾廬三絕以發觀者一笑品字窗穴牆爲窗  
迎朝曦長短畫一無參差我家窗式有異製中鏡旁豐形  
太奇如餅如甕可彷彿咸以方扁議其非主人以爲得之  
矣厥狀品字其庶幾然則奈何不名晶晶類乎品長過之  
打頭矮屋艱欠伸窗稱其屋方相宜惜少一闕彫卍字并  
無六枳限群雞主人日向窗前坐品泉品硯百不疲品題  
人物則不敢腹有春秋口不碑由窗而推以意儼象形成  
字咸我資竹搖个字響浙瀝香燒心字烟霏微繫陳魯字  
一頭蠹書架卍字雙足支鴻送乙字目杳冥畫點介字樹  
離披倘招三人成眾字主人窗前無立錐僅堪此間置一

枕義皇上人是我師 一綫天人家有天如井方我家有  
天如綫長其勢宜橫不宜縱累尺而長五六強主人登樓  
向西笑奈何令我日面牆得非君公難入世不材宜以牆  
東藏可憐明月懸三五新秋那能照我牀差喜風多卷茅  
去有時仰屋窺清光堂室闔奧無深淺宛如列肆平分張  
客來款語不踰晷時方卓午疑昏黃吁嗟萬古此圓蓋義  
娥出入遙相望豈于貧富殊小大而獨爲我慳青蒼天分  
一綫令吾見吾樂吾天周四旁大哉居乎斯足矣高明鬼  
瞰非我祥不然且當林屋住隔凡要與人分疆 雞腸街  
寓居不作十年計窮巷何妨得暫憩沿河小折入雞腸石  
多于土鼓不砌紛列瀾廁盈頽牆側行猶恐沾衣袂有風



必勁如鼓濤不雨常暝少開霽北門之掌虛無人時通時  
塞無常例有時煩我收管鑰不惜屈身代僕隸夜來頻驚  
堙澤呼千呼不磨毒罍繼吾窮于此占雞棲便老此中窩  
不敵自知無力蝸角爭安得全家鶴背繫伏雌早鑿能鳴  
突棄肋肯貪餘戀滯雞腸轉似魚腸寬劍鋸旋折曩時銳  
守約不同掉臂游貞凶儼凜壯趾厲一橋疑有虎溪戒三  
徑止許羊求詣腸中之人深山深柴扉白日長雙閉

潘似山故居 在南柵市河西岸蔣家街潘尚仁之先世嘗居

此

潘尚仁重葺蔣家弄舊居四首蕭氏青楊舊日春埽除又  
見一番新重來却憶遼陽鶴鄰里還多舊日人 竹間池

畔昔經行蜂蝶逢人弗避生猶憶老梅紅一樹亞枝不向

舊窗橫曩遷時為我叔移去巷南元是步兵居二十年來想象虛

甲申遷出計今已亥十六年矣位置全依當日好滿庭花竹一牀書 歲

月堂堂倏已徂蒼然非復舊頭顱同騎竹馬兒時伴今日  
俱成偉丈夫

張丹山潯溪棹歌蘇門老去賦歸與詩酒流連好隱居更

有姬人筠綠稿追隨唱和樂琴書潘蘇門太守尚仁著蘇門山客詩鈔其姬人蘇

始芳字幼馨號筠綠居士著有筠綠臚稿

呂海山故居 在東柵馬家港東岸呂學所居今歸李氏

梅縮居 明寓賢孫淳所築別業今無攷汪志按蠅鬚館詩話據董說重閱梅縮居

存草詩首句云可憐清嘯靠湖齋謂遺址當問諸水濱然董詩或即指太湖言之未可泥也



范錯溇溪紀事詩渡青飛棹客填門復社當年韻事存梅  
綰居荒人不見一甌茶薦為招魂

寒玉居 在南柵為詩人閔南仲所居

董耒喜閔湘人移居溇上兼示近詠三年不撫湘靈瑟細  
入江雲又幾層豈有窮途埋阮籍聽君鸞嘯過孫登數椽  
借屋寒于水一棹移家澹似僧如此溪山如此句餘生端  
合老吳興

潘尚仁寄題閔湘人先生故居白鷗飛去冷晴沙陋巷蕭  
條水一涯休念傳經違父志漫求遺草散人家空樓自換  
東風燕廢院誰憐夜雨花宋玉宅惟居庾信於今應自鎖  
煙霞

一天居 在薇林書屋北

乍浣居 在大宗伯第內董漢策幼時讀書處

愛蓮居 在大宗伯第內愛蓮池上

研北居 在南柵為居士范穎通著書處

吉貝居 在北柵施國祁著書處

邢典吉貝主人傳為施北研作吉貝主人不知何許人也人見  
其居於市肆僉曰市肆中人而不知其神遊象外也人見  
其居市肆則貨吉貝僉曰貨吉貝者而不知其有至寶而  
未嘗貨也主人少而讀書長而博洽老而著述人見其操  
不律注遺編則又以為持籌計簿而不知其揮灑無垠積  
黃金高如北斗曾不以是染其一毫也有知之者則曰異



人有知而不知者則曰怪物而不知非怪非異固依然市肆中人貨吉貝者也夫吉貝亦世所罕知非不知其爲吉貝而不知其衣被天下較之羅紈綺縠厥功尤鉅也然則主人雖不可知吾卽於吉貝而知之或曰吉貝之有功人知之主人之有功則人所未知然則吉貝主人究不可知而主人之所以號吉貝亦不可得而知也

施國祁吉貝居暇所著序去南潯之東百里而遙地沿海田之高仰者宜木棉其鄉民大半植此夏種秋收采積旣多卽捆載而易錢於西賈潯之西百里而近地多岡阜爲茶栗竹木山場俗少女工時因其地之所出亦捆載而易布於東賈潯市居其中四鄉之人自農桑外女工尙焉擢

車蹋弓紡綫織機率家有之村民入市買棉歸諸婦女日業於此且篝燈相從夜作亦一月得四十五日工計日成匹旋以易棉蚩蚩續來不已市之賈俟新棉出以錢買於東之人委積肆中高下若霜雪卽有抱布者踵門較其中幅以時估之棉與布交易而退隨有西之人齎錢來計布值合則書劑與之去而錢存焉姻家盛氏業此者久有別肆在北市收瀕湖漚港之饒事頗繁夥屬余綜理之余久廢學雅不願領徒教授而少習朱墨計然之法諾其請伙伴周旋視其工拙勤惰爲上下食力程功各取裁足月有要歲有會每得餘利若干則題簿而報歸之題簿之暇間以讀書讀書之暇繼以吟詠肆後有小室縱廣不及二尋



胡牀桌椅可以延客中有扁題曰吉貝居志本業也上有  
 小樓一榻以安身一几以置研一笥以藏書油檠茗椀而  
 外了無長物寓坐其間多即事感興之作以導揚俗情句  
 皆律體或得數語或成一篇輒投之敝篋己巳寓災祝融  
 氏棄不取去比因檢出篇題稍多略加刪訂自丙辰訖癸  
 酉得五十首其他有題詠則別為集爰命徒輩潔寫成帙  
 遂乞序於諸好友友人以胡餅師之孤唱斬之諾而久不  
 見贈乃握管自述如此山谷云諸弟子惟病俗不可醫奈  
 余作俗人吟俗詩阮家布禪所未能免抑吾行吾素耳或  
 且謂左氏云言之不文行之不遠俗情而以文言出之亦  
 何不可曰六十年來足跡不出里門一行作賈歡事去心

素衣化緇頭髻已白不過與青裙媪白足郎為之曹張打  
 油胡釘鉸為之伍安得有秀句商聲傳諸口頰閱者當於  
 溪橋野店漁歌村笛中遇之斯可矣

又寓中被災後市樓初成重到即事好修牆屋我言旋記  
 取移薪曲突邊先檢帳符唐書宇文融傳須密切更排吟榻要安  
 便栽花檻小元無地得月窗虛尙有天只為井商語見清異錄  
 間架重敗儂清興苦論錢

疊翠居 在西柵紀家壩紀慶曾所居

壽華居 在東柵馬家港温文禾所居

金錫桂坐壽華居池上復向此間坐真成濠濮遊元言畢  
 清景高詠驚沙鷗拂檻柳絲亂出波蓮葉浮何當待月上



隨意下綸鈞

退庵 在北柵竹篠匯明高士姚某別墅今廢

汪志按舊志在姚家匯譌

借庵 在高暉堂內

豐草庵 在南柵補船村董說屏跡著書處

明董說題豐草庵 碧玉藤陰影小廬磁盆秋水鏡紅魚牀  
頭一握崩霜劍銷作清鐘伴讀書

又豐草庵雜興 藤陰翠落護花籬屋角雲歸度影遲秦吉  
了誰聽鳥語磨兜堅又教兒癡占移楓式還名射芽摘茶  
園正展旗禹篆學成人莫笑草堂待勒夢鄉碑

又庵居雜事 門掩溪南自種蔬十年不上看山輿漸遮窗  
影離盆樹忽亂波紋散子魚架借異書籤代換雨蒸舊畫

軸頻舒日長睡起茶烟冷蝴蝶花開夢客廬

又兒輩重集豐草庵 昨日困吟役新歌定懶諧緩攻五字  
壘只鬪四聲牌漁給蒸香火禽銜試茗柴紙窗團野話真  
箇隱能偕

又題豐草庵書譜 病來圖史喜偏增竹架玲瓏疊數層有  
日暫拋緣聽雨他年終捨去為僧窗中磊磊西山石閣外  
垂垂百歲藤目錄編成空自惜幾家傳得讀書燈

又菴居卽事 歷亂苔生滿藥畦嬾將身世算枯著古人不  
見那須恨俗客無來自一奇祇為山川增涕淚可憐風雅  
又衰危哀吟坐盡三更雨文苑刪成欲寄誰

時成文苑英華詩畧

又自題豐草庵羣碎錄 歲月頻仍疊紙繁南村碎事入清



言憂愁壓倒孟東野山水平分酈道元碧篆鐫碑裝白鳳

昔人以白鳳名貓綠蓑衝雨買金萱石幢擬傍松根豎一任秋風

轉繡旛後四句並記草堂近事

又豐草庵新聲采蓮折柳代極情文桃葉竹枝辭分歡戚

事傳豐草體變新聲天下有情庶幾墮淚賣得針秧屋後

田采香船是賣書船誰人解愛杉煙鼎還許同參豐草禪

為繡青山買色絲他年長挂夢鄉詞珊瑚一把啼鵲淚

團扇新題落葉詩 薔薇影裏種紅魚一尺盆松翠鬢疎

不是舊衣偏稱體為將白苧換新書 十年魂夢到峨眉

補却王家一段奇 右軍思遊峨眉與友人帖云若果此緣一段奇事也無端唱出新

聲曲到處風傳徵調悲

閔南仲春日雜興和豐草庵韻 菱毫禿盡不留尖現北猶

存三百籤名酒乍斟難取醉異書頻乞未容廉香因宿雨

氤氳遠衣為春寒禁痒添正是閒愁無着處西冷怨句又

重拈 夜讀雙眸月穎尖微風瑟瑟響瓊籤夢中江海由

來濶紙上興亡看亦廉愁欲來時憑酒洗花當缺處借香

添清狂似我真無賴那用心宗問白拈

紀官潘喜曾養疾庵中余勸持詩戒文章為祟不足患用

心無已誠可憂此地閒冷散愁結觸眼好景慎勿酬礙簷

鳳尾翠光浮深深尺草風颼颼壁間屋漏交青藤中懸黯

黯古佛燈參差樹頂白鳥立屋背清溪流正急焚硯瘞筆

永夜泣亦是書生常氣習庵中一事欲語君執爨老人實



姓聞洪鐘雷鼓聲大別十年耳聾渠不分

董漢策西平樂癸巳春叩豐草庵晤西庵師天隱高心全

身妙解閉門似病如愁舉世庖廚我為麋鹿長林豐草優

游何用投淵洗耳只此紅塵堆裏江山儘自清幽相逢聽

雨西樓便覺人間可憎從鷓鴣溪畔判鴻溝聽雨樓鷓鴣溪皆庵中境

冰霜凜雪炎風盡浣更聽秋聲我與為秋庵有秋聲庵靜裏

石頭成夢影落寒流比儼懸厓枯坐水月同觀醒夢無端

總不留庵有夢石樓潭黃葉臺前殷勤授易黃葉臺在庵中央此樂如何

別矣梅花吹送餘香還應許我檣舟遠庵種梅數十本名梅花渡故名

劉桐過豐草庵弔董若雨先生絕點塵埃百尺樓行人誤

認傍山邱夕陽斜映疎林外怪鳥低飛古渡頭吟到好詩

初落葉參來小影宛停舟先生有舟居聽雨圖從教遯跡空門去長

使高風此地留

張鑑過寶雲和尚豐草庵瓶蓋無端付劫塵重來門巷及

蕭辰白衣自合稱開士青史何從傳逸民禪室樹深仍度

鳥釣潭秋淨不生鱗西風吹墜昭陽夢誰為招魂問後身

張鎮過豐草庵有懷董西庵先生挂衲逃名去徒存揚子

居空梁飛舊壘破壁想遺書樹老陰無幾人稀草不除幾

回池上立落日正踟躕

沈謙溇溪雜憶詩鈞罇潭邊水半渾丁丁斧惱補船村可

憐豐草庵何在水市南頭試叩門

紀方虎豐草庵懷古脫却青衫去歸來兩鬢華此身甯有



累斯世竟無家吟瘦寒梅影歌殘落日斜西風天地冷清  
淚溼袈裟

紀慶曾過豐草庵遺址冰雪殘冬萬木枯陽春纔到氣潛  
蘇那知薄暮荒江上獨聽林中叫鷓鴣

陳可升追和豐草庵卽事之作炎威喜乍釋夜雨曉還續  
天際秋欲來槐柳滴新綠俯仰一無事豈復有羈束蟲鳥

適然鳴興會頗相觸深言各有懷情終不附屬落落數親  
朋風窗散棋局

董志林漫興和豐草韻水浸樓臺月浸牀碧雲堆裏一茅  
堂曉風楊柳懷人句夜雨棠梨選夢場落葉有聲留野渡  
亂鴉無語坐斜陽生憎酒冷燈殘處敲枕孤舟引恨長

閒斷黃蘗啜粥糜自來怕是合時宜狂情幾弄漁陽操醉  
眼頻摩幼婦碑半刺十年懷不滅千狐一腋價難移只今

北海知何在贏得洲前淚滿池

紀磊過豐草庵言尋豐草庵遂至夢華潭名里一龕故依然  
斯人長已矣寒聲振林木雲影澄潭水躑躅不能還小雨

溼芒履

秋聲庵 在豐草庵旁汪志按南潛為僧之後有漏  
霜庵之名蓋卽此庵所改  
兌庵 沈登瀛築在所居之後與金錫桂讀書其中後錫桂卒  
登瀛爲治棺殮卽呼錫桂妻子割兌庵之半以居之

孫爨柳橋於屋後別作精舍借山甫讀書其中渡笈入深  
巷連牆隣舊廬檐低渾礙帽地潔好藏書煮茗兒行汲栽

南齊志 卷九 宅第一



花客荷耨最憐高樹近鴉噪五更初

又疊前韻贈山甫我友金山甫來居隔水廬閒還攜子課  
勤只傍窗書小傳先賢纂叢編亂草耨添成新著作不負  
此心初

又過柳橋精舍拜山甫靈座再疊前韻誰教絃誦室孤子  
此居廬夢幻疑人世因緣信佛書編年詩待訂埋骨地應  
耨我邑添流寓何如孫太初

又三疊前韻贈柳橋君能懷死友而與其蓮廬一紙賃居  
券千秋敦俗書靈牀躬措置亂石手芟耨足使鄉閭式淳  
風還太初

金錫桂沈柳橋

登瀛

新葺別業讀書其中招予同往孫愈

愚有詩見贈輒和其韻二首鐘聲聞最近隔水有僧廬曲  
折新開徑招邀共讀書學期同志切人比耦耕鋤暫息奔  
馳輒歡然下榻初來赴故人約束裝辭做廬快然忻一  
飽老矣倦傭書地闢一弓廣花謀三徑鋤深情何以報投  
分想當初

紀晴嵐故廬在西柵紀家壩紀寅所居

紀寅做廬漫說溪山等若耶平田片段接村沙石橋挂網  
新魚市荻岸飄帘舊酒家埽室不開惟竹影遮門迷路有  
秋花擬同五柳柴桑宅豈有塵蹤到水涯

遠偏廬在南柵石澥張肩所居傍多栽竹

范錯潯溪紀事詩澥溪溪上水雲居舊有張肩此讀書日



暮天寒美人去蕭蕭風竹遠偏廬

許旦復野行潯南煙景足幽居桑柘陰陰十畝餘欲訪高

人棲隱處結廬須傍遠偏廬遠偏廬為張山人肩舊隱處在石澗

冬心廬 許旦復寓居

許旦復避難返祐村南潯又被焚燒斯真一椽之賸矣我家賃屋冬心廬恐亦難免小劫修羅孰主之潯川埽蕩竟如斯烽煙不斷來朝暮殺掠頻番閱歲時凶燄難教天遏抑眾生莫仗佛慈悲塵居萬戶今何在瓦礫斜陽蔓草滋廿年賃得屋三椽尚有殘書未遽遷每念堆來倘漏雨忽驚銷盡化寒煙前時疎懶嗟何及此日悲啼孰為憐兒死心傷還未甚而今心曲痛無邊

董蠡舟辛丑正月五日海樵招同剛木子瑜景顏小集冬

心廬賦此索和開歲倏五日陶公念吾生因之接賓侶提

壺聊縱情撫時適相契望古心屏營故人踐佳約肴馨酒

復清參伍無俗客二三皆良朋脫略豈拘禮主賓胥忘形

有客忽興唱影事頻相振眷彼花下宴歲籥俄一更子香談及

去春拾香草堂看梅雅集故事又抱存歿感黃墟愴笛聲謂子敦我云且痛

飲觴至輒復傾三杯既陶陶萬感咸冥冥此日貴作達毋

令愧泉明

我耕廬 在南柵明黃周星題額後為潘尙仁所居

篷窩 在輯里村溫棊忱所居

溫棊忱篷窩記篷窩者何溫山子偃息之所也窩向南為



戶于西以帷垂之長可丈八尺濶九尺高九尺背牆而面  
虛若傍舟于岸而啟其窗之半者故曰篷窩焉中間列書  
櫺二上聯于墻下設醉翁椅一中虛尺許通前後出入前  
臨窗列半几几前設花梨椅一可盤膝坐近戶列書架架  
前設小椅壁懸大士像供紫檀几列銅樽香爐水盂拄杖  
蒲團後列書架一木榻一榻依于架可卧而觀書榻前布  
長几具研墨觚翰茗椀棊局溫山子日坐卧其中不迷武  
陵之花不棹剡溪之雪不嗅晚浦之蓮不泛牛渚之月雲  
天其其溶溶魚鳥同其潏潏自謂雖千乘之尊不若一窩  
之適矣三五之夕窗外古桂一枝扶疎簾影如展素屏十  
二觀文與可墨竹清冷可愛此又扁舟一篷所未得有者

也昔明有裴民庭者江湖士也自號一篷而安樂則康節  
之窩也予烏知擬古取其似者云爾若謂予兼而有之則  
媿甚

潘隱君草堂 元末潘公穎寓居今無攷

〔明〕虞堪寄南溟潘隱君草堂 湖頭隱居好竹樹日蕭森對  
酒花當面焚香鶴在陰青山應似舊歧路只如今潘令思  
吾否高情足漫吟

〔又〕訪潘公穎潯南隱居 去歲途逢歲欲徂今年歲晚訪潯  
隅頭顧未老心還一作先折世路多艱事屢殊知子淮南思

桂樹愁予劍北問桑株閒情廿載渾依舊卻笑虞翻走畏

途汪志按堪字克用一字勝伯自號玉屏山小樵家長洲  
洪武中雲南府學教授著鼓柅稿一卷一本作虞山人



詩三卷鼓柅稿作潘公隱虞山人詩作潘公穎又有送潘公隱還越上將葬乃父子素翁詩則二本皆作穎字其作公隱者蓋以隱君隱居等字音相近而致誤也攷潘子素名純淮南人見敦交集據此詩淮南劍北一聯蓋子素自淮南徙越公穎自越徙潯也堪

琴堂 在南柵華氏小桃源園中其地蹇然有聲故名

致覺堂 在南柵廣惠橋西明張鉅所築

清美堂 在東柵馬家港卽朱國禎少師第按費恭庵日記朱佑明買董氏宅既

改造邀金太傅之俊留飲金歸云在一大貨船中飲數日耳問故云浪船亦有一匾朱聞之大惡適其甥韋甲買朱相國家清美堂匾董思翁筆卽以送佑明挂堂中逆書案起板上

有清美堂三字朱遂籍沒汪志云其屋移建杭州敷文書院

絕遠清美堂看梅寂歷蕭齋畫杜門探梅聊復此閒行南

宗句法推和靖舊相風流憶廣平昔日捲簾通乳燕今朝掩卷聽流鶯春深無復閒題詠綠野堂前感慨并

高暉堂 在南柵新開河明董斯張董說父子所居

董斯張高暉堂前燕土巢啾啾聲嫗一四其子客言此闔

喉象胥不可理燕問客何言汝答恐無以昨到碧眼僧親

渡流沙水卷舌宣清梵漁童笑不止神聖亮斯傳語亦駢

枝耳木與石何情點頭而東指人鳥兩寂寥五柳琴鳴矣

紀官集高暉堂何必停雲遠寄詞寓公萍集慰相思無分

主客揮毫健自有門庭覓句奇文出定然評繡虎詩成不

俟聽黃鸝飲同避暑人休訝取友親師却在茲

董蠡舟潯溪棹歌高暉堂北漲拖藍興福橋西是借庵不

見苦吟瘦居士雙雙檣燕訴詎諳靜敵齋存草有高暉堂前燕詩

漆鏡堂 在高暉堂旁董斯張所築得唐時漆鏡因名



明董說漆鏡堂雜興重拈瑞草表茶魁杜牧之詩茶稱瑞草魁石臼

敲殘午夢回王子券收新便了董生行續古嗟哉王褒僅約奴名

便了韓退之作嗟哉董生行爲董召南悼不遇也篆繁奇體筆垂露琴斲名工樣

學雷文稿不須還作塚燃成紙燭看飛灰

張鑑潯溪棹歌漆鏡堂前落葉稀夢華潭口夕陽微漏霜

樂府誰能續無賴芻尼接翅飛董若雨家築漆鏡堂屋上常有靈鵲人以是異之

雁影堂 在豐草庵中

明董說八月離補船村題雁影堂西壁西風寄語碧孤蒲

休把忘情罪野夫秋水已題茅屋榜夕陽待補板橋圖危

樓此去看霜雁破艇重來熟浪鳥珍重溪光自矜惜洞庭

兩點一村孤

夏爲堂 在東柵馬家港爲寓賢黃周星隱居周星又曾寓董

氏屋有董廡吟

渭雲堂 在東柵下塘董氏所築

董漢策壬寅燈夜同人集渭雲堂漫賦春星萬點照書堂

玉樹含輝盡夜光影浸明樓人月靜風來水館夢華香素

心喧寂同天籟紅友參差送羽觴醉國桃源接壤在諸君

從此問羲皇

樂志堂 在東柵皇御河工部侍郎范璨所築恭奉御賜松巖

樂志匾故名

董襄人日集范野萃樂志堂卽席次令兄澹人原韻王戌

小飲及佳辰天街雨洗塵是日大雨詩題人日舊宴啟草堂新



酒壘分兄弟座上惟范氏昆仲及余兄弟三人騷壇角主賓梅花殘欲落  
吾計正愁春

寶詒堂 在北柵外李家河孫氏所居

袁士達經溇溪過孫電陽村舍話舊茅屋曾無百里賒為  
君雅愛滯歸槎身逢故國猶為客地較他鄉已是家西隴  
稻香肥紫蟹東籬霜冷綻黃花杯深轉覺心添緒分手溪  
橋月又斜

紀復亨至孫紹武家看牡丹一棹延緣就牡丹到來穠艷  
悵凋殘轉思昨日顛風急知向高臺特地寒斜曳纖裳愁  
故苑半敲叢佩倚危欄明年早辦看花眼醉倒枝頭赤玉  
盤

夏耀曾丙申春暮寶詒堂孫宅看牡丹一度尋春一黯傷  
素衣愁對百花王驪戎兜率描摹別先大父詩有驪戎國內渾無色兜率天邊別有香麗日晴風韻格香先節母詩有紅迎麗日朝酣雨之句酒笑倚晴風暖送香之句  
世新詩成古蹟廿年舊路認斜陽羨他無恙梁間燕長伴  
名花話草堂

又看花次日偕董大鳴虞華四衷周重過寶詒堂評鑒壁  
間題詠仍疊前韻以示同人兼贈主人孫丈為愛名花重  
枉步相攜詞客盡韋王紅顏傾國無慙色藻句挾天亦自  
香十畝桑麻成小隱三千翠黛擁昭陽天津橋畔新詩社  
收拾春風遍草堂

溪上草堂 明董份築今無放汪志按或云即蓮漪草堂



明董份草堂新成適子睿過偶作家住潯溪綠水隈臨風  
新築讀書臺應門只有雙黃鶴惟許幽人日往來

又溪上草堂碧溪深處絕塵喧自汲清流日灌園却笑漁  
船長共到不知是否比桃源

蓮漪草堂 在東柵蓮溪上亦稱蓮溪草堂董漢策所居後歸

金氏更名蓮溪書屋汪曰楨嘗賃居於此時修輯鎮志並取  
近人未刻之文錄存題曰蓮漪文鈔誌其地也

董良弼感懷序有予有祖父所遺蓮溪草堂境頗幽靜予兄  
弟同居門外古槐如繪前臨方池芙蓉擢秀每于晚風曉  
月清香撲鼻樂何如之予於己酉自京旋里已售與他姓  
海燕來歸舊巢已失付之浩歎而已 多年混迹類魚鹽

回味何曾似蜜甜尋壘燕思歸折棟奪巢鳩喜喚當簷桃  
花泛水從茲去柳絮隨風著處黏三徑關心今已矣決疑  
奚用卜靈籤 門牆槐蔭似虬松回首何堪歎莫容試到  
習池終姓易難歸趙璧本才庸兄酬弟勸豪情洽月下燈  
前絮語喁昔景依然空涉想碧荷香散露華濃

金大鯤蓮溪書屋先大父讀書處也長夏小憩慨然有作  
門外藕花香門內書聲起鄰媪為余言宵深猶如此誰是  
繩武人而忘三昧旨 吳江兩周公兩清華茗水一凌子  
備人先生於茲結文壇相與討詩史荏苒百年間雙桂猶存耳  
完璞堂 董氏故居今無攷

閔南仲今夕良醮會行呈陶子靜兼簡同席并陶與李兩



君者越中之快士而芝翁之舊好也揮金結客買絲何必  
繡平原垂手援人窮鳥底須投季布客秋九月來訪董師  
董師投轄以留賓客子凌冬而度臘獻歲元夕前四夜子  
靜愛玩白雪追蹤兔園未遇燒燈之期先作傳柑之醺庭  
多勝友盡溥上之名流坐鮮雜賓半膠西之俊士顧余無  
似亦廁賓筵飢熊之珍羞別出南京北饌羽商之逸調新  
翻豪竹哀絲主人情重極意娛賓遠至嘉禾探尋煙火驚  
彩絕艷駭目欣心加以爆竹流星銀花火樹旣彌縫其罅  
漏遂紹續其始終飛觥浮白月盡更闌斯筵雅暢清歡今  
夕可爲彥會苟無新什遺笑前人因與書田約各爲詩歌  
以紀其勝不揣褻淺意欲貽諸後來數千百年外亦足爲

交友中一段佳話也卽夕扶醉題於完璞堂之東偏玉堂  
投轄留親串遠主傳柑啟良醺雪片猶堆鴛瓦平雨絲旋  
灑苔牆遍長沙後裔劇英賢隴右雲孫仍俊彥嘉客重逢  
鄴下才璧人親見河陽面主人情重欲娛賓銀花火樹何  
繽紛寶鏡晶瑩搏白鵲珠環照耀出青麟黃金塔現空中  
霧碧玉樓看海上塵柳絲棠雪春爭艷月暈星流天更新  
主人娛賓情未足擬金伐鼓吹燕谷蜀絃嘹唳響輕冰湘  
管幽鳴戛哀玉鄭子能爲窈眇音周郎解顧淒清曲季倫  
金谷擅風流逸少蘭亭乏絲竹仲叔蕭條類仲宣酒寒燈  
背聳吟肩破帽青衫隨遇適朱鞋葛屨信天緣悲歌激越  
觥籌外俠氣縱橫案席前書成繭紙蠅頭字乞與遼陽鶴



返年

寶慶堂 在輯里村明溫清樂所築

屏山草堂 在輯里村溫氏寶慶堂之東南隅

溫棐枕屏山草堂記吾始祖清樂公於寶慶堂之東南隅作堂堂下雙松相傳明以前物其堂或因樹而建然不可攷矣雙松之下壘石成山爲石梁爲溪澗有奕棋之亭有夕照之軒今皆頽廢而石臺餘址尙存蓋吾始祖於洪武三年由長興遷居於此傳至吾祖已二百餘年矣山故多奇峰怪石吾祖歿爲好事者移去巉巖突兀之觀今所存者十之二三而已矣堂向無扁額吾父葺新之而吾師巖逸山先生適來是堂曰是不可以無額題曰屏山艸堂棐

忱請其義曰子之尊人少負經綸慨然有天下爲己任之志每以家相之爲政七年遭時多故謗議叢興思出而補其所不逮是豈山中之人哉顧遽遇滄桑之變杜門絕跡三十餘年同時號爲逸民者或以怵迫而趨西東而尊君抱其孤貞以道自尊鄉邦望之如泰山喬嶽然可望而不可卽其爲屏也遠矣名之以屏山固宜棐忱曰敢拜先生之賜因請徐公樹丕題其楹退而記之系之以詩曰亭亭雙松吾祖樹之貽吾孫子百世之思奕奕屏山吾師命之贈吾大人而非諛詞高不在山屏不在藩彼捷而徑有覲其顏而何足與言

貞石堂 在輯里村明溫璜所居



溫棐忱貞石堂記節錄貞石堂者先司理伯寶忠先生之堂也東向面田築牆爲蔽隙其中望遠啟北戶以通出入由堂而進有亭其深如堂廣半之旁植蘭桂蕭疎可愛康熙間兄天璧窘于官負折售以償到今十五年矣棐忱於是追憶之爲記曰子兒時於歲首拜公遺像因得瞻仰所謂貞石堂者後讀公母陸孺人傳公三歲而孤所遺僅一室孺人奉其姑設牀褥其中則公之先固未嘗有堂也後孺人以貞節旌公建是堂顏之曰貞石蓋公初名以介字于石介石貞吉常目在茲此堂所以志也公年五十九中崇禎癸未進士授徽州府推官未逾年而舊京陷同其鄉大夫金聲提一旅以捍孤城力竭死之距公之讀書于斯堂

也不二十年而公之志畢矣公之死也先殺其夫人與女而自刎題其帶曰世受國恩一死以報方是時全軀保妻子之臣纍纍矣而公以藐焉孤臣誓死靡他於是公之名重天下公歿而其門人故舊輯公遺稿梓之貞石堂集出海內慕公之節讀公之文而後知公之介節不移本之學問而非出於一時慷慨激烈之爲者於是世之學士大夫重公之文而貞石堂之名亦重於天下嗚呼公之大節在宇宙行誼在文章雖與日月爭光可也而何與于斯堂之有無獨予以宗門後裔自幼卽知敬慕公而仰公之遺型如接音徽於斯堂今一過之而疇昔周行術徑已不可辨不能不爲之慨然而興歎因記之



南齊志 卷九  
樂天堂 無攷

紀遠二月小盡飲樂天堂紫牡丹花前漫賦花王殿春春  
欲老眼明暫得杼愁抱主人情重爲開樽如泉不惜客傾  
倒花枝照酒能幾時明日看花迹如埽天公似會惜花意  
略着輕陰花更好寄聲蜂蝶莫相尋我欲抽毫縱幽討人  
間未有簪花人一抹遙情向誰道香分色借已陳陳愧我  
筆難穿魯縞

怡顏堂 在南柵孫燮所居

董蠡舟九月七日雨中呂揚招同春治丈許曙卿沈金坡  
登瀛紀石齋磊丁子香桂汪剛木曰楨及哲嗣斯詠小集  
怡顏堂佳辰迫重九良朋有嘉招魚箋屢促召雀舫復見

邀偶值風雨會將毋慳吝嘲入座無俗客團蓋咸碩交主  
人文章伯長輪駕天濤安昌老經師頽齡學彌劭高文繼  
八詠外累捐一瓢紀瞻江左俊丁度列仙曹孫郎及汪子  
才富年方韶清談各娓娓元箸何超超伊予廁其間眇若  
牛一毛俯飲醉醺醺仰和慙絃匏雅材歌德飽蒙叟言意  
消聊賡伐木篇撫事託長謠

孫燮九月七日招張秋水先生 鑑許海樵 旦復董鑄范 蠡

舟沈柳橋 登瀛紀石齋 磊丁子香 桂汪謝城 曰楨草堂小

集鑄范有詩予亦和作閉門時序遷故人久不見商量折  
柬招草堂作歡醺是時近重九秋天風雨戰扁舟載客來  
一半衣裳濺年推張蒼高情重汪倫睠考古隱侯博談經



叔重擅少瑜六朝良敬禮三國彥峩峩董夫子顧盼目如  
電陽春發高唱四座皆稱善伐木求友生蟋蟀感歲宴一  
聆君子謠未免後時歎申章報嘉惠聊以抒繾綣明年櫻  
筍時預約春光饒

〔紀磊弔怡顏室〕即孫愈愚先生故居不積黃金只積書當年心計未  
全疎豈知轉眼成灰燼書比黃金更不如

禮耕堂 在楚芳橋南施國祁所居今歸蔣氏

〔范登過施北研禮耕堂值楊秋室邢書城至〕口口口舟溪  
南作咫尺溪南路還同訪故人滌洄仍鼓櫂悵望忽迷津  
漁唱中流晚梅開小院春清談逢二妙握手倍情親

〔施國祁春夜歸省〕何須服賈駕車輶歸省從容即此宵扶

路暖風春寂寂伴人明月影蕭蕭牛鳴遠道無三里犬吠

長街有十條盼得梳行將近處舊家曾在醋坊橋癸辛雜

橋居吳興雖食醋必市於官一日與客持螯醢味頗異問  
之則乳母所為以備不時之需者遂亟棄之曰畢竟是官  
司禁物烏青文獻宋末酒醋稅務兼收兩鎮稅課元大德  
間各歸所屬烏鎮屬湖州移在南潯止管稅課酒課案二  
書所云故鎮之中市有名務前者吾里中必有  
醋坊此橋以是得名余家尚在橋南數十步

〔又除夕歸家感事題壁〕無那光陰懨懨催蹉跎小効事難  
裁代庖越俎元非分贈策臨行也欠才老畫歐陽藿杵夢  
年分利市蠟燈灰婆婆賬籍封還罷拂袖且歌歸去來

西芬草堂 在東柵洗粉兜姚景熹所居

拾香草堂 温曰鑑所築

〔孫燮消寒第一集拾香草堂對雪用東坡聚星堂韻〕一弟



長年坐鬪葉一弟清歌擅白雪安排酒盞召吟賓此事應  
 讓阿兄絕是時雪後天氣晴竹樹全封梅壓折詩壇白戰  
 塵心兵要使泥鴻爪不滅人生勝會不可常歲暮那容蛇  
 尾掣披帷卷地朔風來吹得綠醺生皺纈文章原不管窮  
 通嘒嘒媚人吾豈屑明朝見曉雪全消富貴浮雲等飄瞥  
 世人半是嶺南犬群吠聲中君莫說熱鬧能存冰雪腸如  
 君洵是錚錚鐵

董蠡舟三月三日偕剛木過霽華拾香草堂看梅相交三  
 載花時從未相造也用東坡點燈會客韻索和禁痒餘寒  
 二月天連朝風日失暄妍剛逢河渚探春候同放山陰乘  
 輿船認我游蹤開一幘君有鄧尉探梅圖泥人香夢閱三年花前

共展新編讀布廣前聞繼道元

君方撰魏書地形志集釋

又用前韻呈秋水文並約同往看梅霽華豪飲故有六句  
 冬嶺蒼松獨得天文章晚歲更雄妍亡書何止記三篋賃  
 舍那須牽一船幸接同舟李元禮好尋着械石延年偕來  
 玉照題新句格律偷應許老元  
 温曰鑑春雨喜陳辛彝經至久闕楚然喜空階上綠苔桃  
 花春水漲細雨暮帆來古劍千金佩清樽一笑開好將新  
 卷帙秉燭互相裁

楊鳳苞同陳生經過温氏拾香草堂看荷包牡丹昨夜東  
 風昨夜寒漸舒宮纈小紅攢一簾曉雨如塵細也報春光  
 到牡丹 三寸青羅一捻紅花瓷窠石映玲瓏從教洛下



添名種定入歐家小譜中  
鼎鼎輕綃蹙細紋東君未倩  
麝蘭熏玉人插伴釵頭燕不共羅囊繫繡裙  
半春幽恨  
為誰緘細朶如親女手  
摻名借香纓宜雜佩芳時空負鼠  
姑銜

深柳讀書堂 在西柵弔橋內即吳巖愛日軒故址沈登瀛所  
築

許旦復沈柳橋所建深柳讀書堂火中無恙此向日友朋  
談醺之所也喜甚為賦此章作屋詒謀德務滋鬱攸那得  
橫加之三槐堂豈王公比五柳宅還陶令遺硯北勘書參  
大筆花南欸客把清卮廿年前是追遊地歷劫仍留差是  
奇

又沈柳橋家深柳讀書堂竟被焚去昔時樽俎雅集之所  
何堪設想雅集華堂憶昔年主人一去渺重泉頻經烽火  
仍無恙或是神靈默有權厄到終難逃劫數客來悽斷對  
寒煙丹黃千卷還留得賴是兒孫計早遷

三徑草堂 蔣氏所居今無攷

施國祁丙子春寓讀蔣也菴三徑草堂即事無緣祠祿放翁  
與分司香山老大羞顏作館師今夜宿來三徑裏真成第一  
破題兒 芳梅落後杏梨嬌不分窺園破寂寥却聽檐端  
春鵲語忽驚明日是花朝 執經隅坐盡前頭竹馬童心  
且罷休莫倚章家思舊語小年逃學慣登樓

微笑堂 無攷按此堂無寺廟可隸姑列於此



紀遠寒食後同文若蕙如過微笑堂訪晉幢上人禁煙已過覺紅稀訪舊尋春去較遲猶有桃花三四朶老僧指點說開時

九友堂 在南柵育嬰堂內同治癸酉汪日楨等九人醵資所建前臨方池雜蒔荷芰兩岸綠柳垂條頗饒幽趣

汪日楨九友堂記文見碑刻

徐有珂九友堂後記文載集文

蔣錫祜九友堂歌仿吳梅村畫中九友歌體廣文先生天人流一官冷

署貧無憂左圖右史經術優才高運蹇人不尤汪日楨伯倫

豪氣凌滄洲慷慨好義人依劉薦書頻向懷中投有時騎鶴揚州游劉鏞誰其繼之公藝儔同居九世無相仇宅心仁

厚情夷猶漢陰丈人忘機謀張頌賢仁山講學垂千秋外實

相似中藏幽好施樂善傳鄉陬情推族黨咸歌謳金桐顧曲

乃有江東周眞書直與眞卿侔圖書金石供藏搽性耽風

雅筆力適周昌富鹿門舊德迎前修才如剝繭同絲抽計然

有策工持籌不願車前擁八騶龐雲錫靈鞠後人羣推邱高

卧元龍百尺樓杜門不出居無愁江湖放浪隨閒鷗邱炳咸

丹青獨絕推虎頭太原公子衣褐裘一鞭走馬還擊毬能

將道路開驂騮顧壽松子文結侶推羊求開樽北海互唱酬

詩書滿腹懷奇猷羣賢畢至符九疇蔣堂

蔣錫綸潯溪竹枝詞新築三椽好納涼沿池四面種垂楊

荷花開後添香韻消夏爭傳九友堂



鳳梧堂 在南柵廣惠宮右府城隍廟後鎮紳以廟中餘地建堂三楹為集議地方公事之所光緒二十一年創設團防局即駐此堂辦公

趙氏溪樓 在西柵務前明趙金趙雋祖孫所居

明董份秋日過宴心山樓上幸有王孫宅甯無東郭游融尊賴常滿陳轄判須投高閣景難暝疎林色易秋小山饒桂樹自是得淹留

明王叔承赴蓮池宏上人講筵輒同宋宗獻僧行恣過訪趙長文溪樓即事齋餘尋勝侶塵市即滄洲少喜千秋業貧嫌七貴游野航蓮社約村醅藥錢留滿眼驅田舍那堪百尺樓

紀磊趙心山故居市樓臨水稱幽閒一室婆娑只閉關聞道文劉結詩社不曾招得趙心山

和雲樓 明董份館李樂于此今無攷

太清樓 在大宗伯第西明董嗣昕讀書處

抱冬樓 在南柵廣惠橋西明張光治讀書處

曉寒樓 在豐草庵中董說夢至石樓有七字篆牌云七十二

峯生曉寒因名後紀磊亦有曉寒樓今無攷

董說讀書曉寒樓上崎嶇待來哲秋淚硯中滴飛盡瀟湘雲葉脫四山寂古人不著書當年空戚戚懸心百世下朽骨求良覲

聽雨樓 在豐草庵西



且住樓 在蓮溪上閔南仲寓居

董師植沁園春閔耐庵自豫章歸新僦小樓顏曰且住賦  
歌索和倚韻答之魯國苗裔膠西孫子在雁行間但軒渠  
遐舉英風蔽月蕭閒自好落魄深山君且幽居我能乘興  
掉臂遊行把釣竿晴簾外任江魚潛躍舞鶴盤桓 無心  
斜倚東闌看幾點飛花且放顏怪吟肩高聳神寒骨瘦霜  
巖徒步暮去朝還白晝攤錢良宵釀飲風雨飄搖不揜關  
蓮溪上有綠荷紅芰儘可言歡

霏青樓 在南柵廣惠橋東董思讀書處

董衡九日風雨夜集霏青樓分韻得九字溼霧暗高空登  
臨一何有雨深樹欲兼雲重山疑九意冷半因秋心願全

付酒豈惟陶令然不醉非吾友

倚鶴樓 在藤語軒南

影山樓 在白雪齋中董漢策所築樓前有影山徑

董漢策影山徑此地無山而余性喜山甚以雲為山玩其  
橫側峯嶺號為影山故徑曰影山徑樓曰

影山樓冰闌斜倚月牆角白雲虛磴幻通天室風清埽石居  
迴轅無俗客送橘有剡書澄日景何盡烟巒得自如 又  
影山樓似有如無天半嶺非耶是耶雲中人高懸帳裏夢  
鄉印輕移空中蜃樓春芙蓉仙闕雨餘失麟鳳奇峯曉色  
新坐攬千山萬山趣歷遊洲島且休論

夕佳樓 董漢策館張道岸于此今無攷

張道岸溇上夕佳樓奉贈秋江道兄有吾友揚子天益菰



中雋士也身兼三絕風度藹然置之晉人中當與阮嵇稱  
伯仲一日晤眉仙席次請更字于余余曰仰挹清範秋水  
其可乎問何義而曰君不見江自巫峽來其流遠矣水至  
秋而澄其氣深矣深且遠非山水之最勝乎况君以秋水  
爲神涵虛澹宕舍此其安所取耶爰賦短章以推雅尚云  
楊子凌雲器超然不可疎清風融物累真氣入黃初木  
落山容見波平帆影徐坦懷歌爾汝靜對若憑虛 辛亥  
三月七十二峯樵張道岸懸渡時年已四百二十甲子矣  
九宜樓 在蓮漪草堂西董灼讀書處

董漢策九宜樓卽事萬言薄有縹囊恨一劍當空日影寒  
雨過殘燈供夜讀清宵常抱陣圖看 宜風宜雪更宜秋

酒送清歡月挂愁窗裏吟聲飛綠玉人間卽此采真遊

又九日同溫蒼來九宜樓小飲灑氣灑折涼雲天宜秋宜  
醉看蒼煙酒鎗夢壘眞兒戲詩瓢拇陣還迥然人情爭學  
馬蹄疾道懷終與冰淵傳同君一笑橫今古杞菊澹永堪  
參玄

董灼九月旣望與經遠弟小飲九宜樓閒居了無事逍遙  
坐南窗酌酒招吾弟相與話羲皇斷牆吐明月皎潔生寒  
光天宇若晝明零露垂簷下堦蹋花影殘桂留微香苔  
間埽落英收拾充枕囊喜伊不趨炎傲骨甘清涼醉餘思  
煮茗頑童入夢鄉相對兩忘言四壁啼寒蠶

董耀題竹隱兄九宜樓次兄韻生成傲骨世情疎深揜柴



關獨寤歌松罩小樓秋意好竹搖荒徑夜聲多讀書敲枕聽兒子把釣乘舟入芰荷便可此間長避俗襟懷澹蕩樂如何

董熈九宜樓雜詠舊插五株柳今栽百本桑尙堪供嘯詠  
春草滿池塘 書積高連屋春深綠滿庭上階鋪碧蘚昨夜雨冥冥 元龍樓百尺貞白閣三層卧起浮雲盡南山見一棧 疎竹漏初日高松聚晚風地偏無客擾抱膝故書中

董調元九宜樓晚眺環繞有洄溪層樓聳岸西槐陰歸鳥倦暫寄一枝棲

董肇鑽九宜樓白皮松蚪姿只合倚天根移種書堂比德鄰舊物百年思手澤霜皮十丈見龍鱗陰迷羲魄長疑雨翠挹湖山不爲春莫羨向榮凡草木知君自抱歲寒真  
又美人峯石石骨偏呈窈窕容巫山頂上最奇峯天邊蜀道眞難上夢裏襄王豈易逢花影乍涵紅頰潤苔痕初長綠鬢濃藤蘿莫怪多蒙繞只恐還飛雲雨蹤

青霞樓 在蓮漪草堂東董燿讀書處

謝洲青霞樓讀書歌爲董經遠賦青霞之樓蓮溪側董君讀書樓上頭朝朝不待晨曦出一編在手措雙眸夜夜聽盡更漏永孤燈黯淡吟不休時而千花錯綺繡春光爛漫樓前浮時而奇峯四羅列夏雲萬疊天邊稠時而皓月到牀前清輝如洗長天秋時而照案雪三尺寒風凜冽歲已



周四時日月任賓送惟有牙籤萬軸勤鑽搜我因問董君  
讀書有得不古來四庫浩烟海滋味只有遺經修務棄瑣  
碎置不道但使義理心相謀不然手披目覽徒自苦到頭  
只作書中囚董君領此意日向周孔求涵養久愈熟盜盜  
天機流忽然長嘯萬籟寂突兀乾坤一小樓

董師植青霞樓秋夜玩月風掃閒雲淨霜爭皓月明坐深  
人靜後鶴唳一江聲

橘香樓在西芳草堂內姚景熹童時植橘一株越數十年而  
碩大繁衍味甚甘美人咸以為壽徵因顏其樓

百尺樓一在洗粉兜姚氏園中一在花園衙明莊允城子廷  
鉞所築莊氏籍沒為董紹聞所得稱董園又名南樓今並廢

嚴定越集百尺樓看牡丹紅紫二種分得風字洛下名園

競百叢翠幃初卷日融融香生錦繡開金谷客抱璠璵繫

玉驄一片紫凝珠箔外萬層霞吐畫欄中新題樂府紅兒

按傾倒仙株醉晚風慶雲按嚴定越即莊廷鉞變名

董恂潯溪棹歌溪南舊日好樓臺百尺樓高近已頽猶有

奇峰留草莽夜深相送月光來家紹聞園中有百尺樓即南潯十景之南樓春曉也

又有明月峯

心遠樓董煜所居今無攷

董懋昭題麟紱弟卧樓低低心遠只三間兩面窗通燕往

還晚霽遙天青一抹捲簾認得洞庭山

竹筠樓閔南仲所居今無攷

南溪志卷九宅第一

宅第一

三



閔南仲癸酉重五竹筠樓小飲聯句座分主客占題先沈

舟雨洗今朝越樣天淡沱雲鱗如罨畫閔石悠揚風緒足

流連一時文酒當開宴俞逸兩箇詩翁願執鞭艾虎上頭

威自伏沈絨蛇結字氣先顛手搓梅子吳香嫩閔心沁蘭

房楚些憐梁燕歸來符滿室俞介龍歌去筆如椽絲堪續

命靈均活沈草解宜男叔向仙繫臂守宮紅玉輓閔塗唇

蟾墨黑晶妍醉應卜晝催開甕俞吟約連牀教叠肩葛節

刻人巢外老沈蒲牙抽劍鏡中懸吸花錦脆看蛛網閔映

水簾疎透蠟煙指動得嘗西子舌俞脅奇誰浴晉侯駢鴛

鴛被外飛鷓鴣沈薜荔牆邊識蕙荃細搗興渠調石首閔

重礫義甲撥冰絃霞窗夢想蕉遮屋俞萍沼雷轟蛤吠田

地臘埋愁須九地閔天中飛恨上三天隔牆榴火燒紅燄

俞貼岸荷珠照碧鮮蜜父登筵霜落齒閔蠟兄驚座澗流

涎紅黃滿泛朱砂俞醕俞縹綠輕煎翡翠泉新笋半拳欺紫

蕨閔疎楊幾抱蔭元蟬淚流不盡懷沙水俞虹閃長留化

劍淵送老琴尊聊已矣閔忘憂書畫且終焉長空漠漠天

如笠俞小牖矍矍屋似船竟夕淹留珍瘦沈閔畢生摹倣

媿寒虔擬撐落日千山左俞誓砥狂瀾萬渚前但得風流

通氣分莫論負乘莫論年閔

風雨樓 在西柵紀家壩紀磊所居焜於兵燹近重建改曰梅

花居

許旦復石齋風雨樓竟爾被焚此向時諸故友昕夕聚談



之所也庭前紅白二梅已歷卅載牆外梧桐一株予與主人從洞庭山移來今亦高與樓齊矣乃俱爲火灼死卽物感懷成詩二首世間難得此高樓李郭豪華憶昔遊青草每嗟同輩少白頭還有故人留亭亭梅老雙株秀鬱鬱桐陰百尺幽今日重來焦土恨何從索酒復相酬劫火昆明歷幾回望中樓閣尙崔巍錯疑天幸能逃厄誰道途窮復此災書策他移還賸幾妻孥望斷重歸來榜成風雨眞成讖四字空空亂瓦堆

望暉樓 在西柵外九里橋南村民心寺僧慧澄所建環植梅花頗饒幽趣今廢

夢好樓 董鑄范所居今無考

〔張鑑夢好樓記〕周官太卜掌三夢而列子六候與經不異三曰思五曰喜其爲氣淫於藏則有餘於內不足於外者一也里中有沈默之士曰董子鑄范讀書志古不慕榮祿於書靡不窺而猶病其藏家之少闕市之淺顏其所居之樓曰夢好棊几竹榻百城南面以寄其深愛篤嗜之思俾同志者爲之歌詠焉而屬余記之鑑因而告之曰如此者非所謂有餘於內不足於外者耶吾觀世之樂狗馬聲色者非僅儕夫狗馬聲色已也必將有取於韓盧宋雉追風躡影羞花沈魚雖不得亦形諸夢以爲快則于於書亦豈村塾兔園冊之所能錮又豈七錄四部之所能軀其求則吾將由子之夢以窺子心矣今夫經至蹟矣自宋歐陽氏



信爾然日本古文之說而後之託安國孝經以暨毛漸三墳豐坊魯詩不一也以子之夢其必撥灰縮粕神游域外必將有遠駕乎皇侃論語義疏七經孟子攷文之足貴不大快歟史至滄矣自曾鞏劉恕校祕閣諸史之闕而後之補逸漢書廣搜十八家晉史以暨重編季漢更脩西魏不一也以子之夢其必推幽鑿險心越恆蹊必將有親獲乎謝承後漢書路振九國志之完美不大快歟子與集又至紛矣自庾仲容子史鈔沈約袖中記之書失傳而後之破佛髻掘智井以暨補綴北堂書鈔摭拾晏元獻類要不一也以子之夢其必摹翠集腋察盡豪末必將有徧及乎文思博要韻海鏡源脩文殿御覽之間見側出不大快歟昔

鄭人之言夢一以爲眞一以爲假今吾且以子之夢未必假而余昔之遇未必非夢也曩在琅嬛仙館曾夢見夫鹿矣校文瀾閣未收之書得百有數十種中如魏了翁禮記要義張洽春秋集傳楊仲良宋通鑑長編紀事本末史炤通鑑釋文蕭吉五行大義王象之輿地紀勝錢漚回溪史韻楊鉤增補鍾鼎篆韻皆非世所經見爲皇清五閣所未掌錄心欲鈔其副而苦無力然則余之校不過一夢而子今之夢又焉知不爲得鄭人之鹿者耶長水朱氏之譏經義攷也仿開元釋教錄之例分存闕佚未見四目而近日之溢未見而散出者已不可枚數又焉知後之不足餽子之夢特恐專心致志忘寢與食至乃夢與鬼爭義如崔伯



深者余且爲鼓掌而笑於其旁矣鑄范名蠡舟烏程人爲  
余同年雲帆先生子世家舊姓近見其藏書目所得蓋不  
少矣遂書之以爲記

眉月樓

在南蔣港陸長春所居

左茂桂題眉月樓填詞圖家家香徑自春風鏤玉雕瓊擬  
化工綠鬢尙留秦學士紅牙爭按柳郎中樓頭纖影新蛾  
媚檻外青山往蹟空多少揚州惆悵事斷腸都與付詞雄  
張維嘉題應簫士眉月樓填詞圖紅豆青衫託豔思鴉笙  
象板寄新詞十三人與初三月併入屯田筆一枝楊柳  
風前咳唾新畫闌一角倚吟身遠山亦是文君黛贏得相  
如賣賦貧家世機雲未易才吳中團扇話南來還應五

鳳修成後眉史教君一例裁

孫運錦揚州慢題眉月樓填詞圖茗雪橫波苧蘿凝黛一  
樓遠颭鷗莊看初三月樣淺澹學雅黃悵當日風流太守  
雨荒雲冷誰按伊涼讓平原詞客清裁重譜霓裳打從  
跨鶴廣陵濤休閒羅江祇杜牧三生何郎五字儘協宮商  
好是二分明月仍流盼霧閣雲窗度哀絲豪竹新聲還付  
吳孃

陳彬華湘月一闋奉題眉月樓填詞圖涼夜秋悽一鏡如  
豆因度念奴嬌過腔於雙調吹之不覺其悽以感也玉壺  
皎朗只璫樓悄倚詞寫清興料是初三卻畫出一片彎彎  
風景揉碎紅心凋殘青鬢付與吟魂冷茗溪橫鎖夜涼別



具幽境 應是魯望風流江湖嘯傲蕩烟波春影寸樣愁  
腸儘領畧月落天空人靜刻翠還工流黃自掩酒奈今宵  
醒簫聲吹度夢迴卻待重省

畫扇樓 劉桐所居今無攷

溇溪詩徵計魚計嘗館于同里劉氏畫扇樓以古學誨其  
弟子

絳霞樓 在北柵姓氏無攷

徐有珂小不其山房集九友堂後記云余家去溇不一舍  
於溇多莫逆交嘗寓溇北之絳霞樓二載



